

四庫全書

子部

欽定四庫全書

子部

玉海卷一百三十六

詳校官中書臣張經田

主事臣祁韻士覆勘

總校官進士臣朱鈺

校對官編修臣朱攸

謄錄監生臣王元勛

欽定四庫全書

玉海卷一百三十六

宋 王應麟 撰

兵制

兵制

歷代兵制沿革或出于民則考其成丁歸農之限耕
戰部伍之法調發教閱之節屯戍替易之期或出于
兵則考其兵民之分自何時與其部伍調發廩給之

制歷代之兵內外輕重之勢用兵道里之遠近歷時
之久遠形勢之利害糧食之難易將權之專雜軍律
之得失皆當詳考

黃帝營衛

史記黃帝以師兵為營衛正義環繞軍兵為營以自衛
若棘門即其遺像

黃帝制兵

李靖問對

見牌法

通典

通鑑外紀

見地理

舜兵衛

文中子王道篇舜一歲巡五岳國不費而民不勞兵衛少而徵求寡也

夏六師

書胤征胤侯命掌六師 甘誓召六卿 詩正義夏時六軍之將亦命卿其法與周同 家語夏后興六師以征不序

周六軍

六鄉

六遂

見田制

夏官大司馬凡制軍萬有二千五百人為軍王六軍大

國三軍次國二軍小國一軍

疏上公為大國侯伯為次國子男為小國

軍將

皆命卿二千五百人為師師帥皆中大夫五百人為旅

旅帥皆下大夫百人為卒卒長皆上士二十五人為兩

兩司馬皆中士五人為伍伍皆有長

疏上士得號行司馬及在軍二十五

人長中士號兩司馬五人長下士號公司馬以司馬主軍軍事立嚴雖卑亦同號也

注鄭司農云

春秋傳曰襄十四年成國不過半天子之軍王為六軍

諸侯之大者三軍可也詩常武整我六師文王曰六師

及之

書張皇六師詩註
輪有輿以作六師

此周之為六軍之見于經也

正義

以當時有不信周
禮者故引為證

春秋傳曰莊十六年王使虢公命曲

沃伯以一軍為晉侯此小國一軍之見于傳也

夏為卒
二十五

人為兩故傳曰廣有
一卒卒偏之兩者

軍師旅卒兩伍皆衆名也伍一比

兩一閭卒一旅旅一黨師一州軍一鄉家所出一人將

帥長司馬者其師吏也凡軍帥不特置選于六官六鄉

之吏自鄉以下德任者使兼官焉

疏州長職注云于軍
因為帥帥自黨以下

注皆云因為旅
帥因為卒長

地官小司徒乃會萬民之卒伍而用

之五人為伍五伍為兩四兩為卒五卒為旅五旅為師
五師為軍以起軍旅作田役比追胥令貢賦注此皆先
王所因農事而定軍令者也欲其恩足相恤義足相救

服容相別音聲相識鄉之田制與遂同

疏鄭注遂之軍法如六鄉以遂

內不見出軍之法唯有田制而已司常注師都六鄉
六遂大夫也疏六鄉大夫皆鄉六遂大夫皆大夫也

于淮眾則曰師都于淮軍則曰軍史凡起徒役毋過家一人以其餘為美

唯田與追胥竭作大軍旅帥其眾庶大司徒令五家

為比

有長

五比為閭

有胥

四閭為族

有師

五族為黨

有正

五黨為

州有長五州為鄉有師注司徒掌六鄉鄉師分而治之小司徒大

比六鄉四郊之吏

遂人五家為鄰有長五鄰為里有宰四里為鄣

有長五鄣為鄙有師五鄙為縣有正五縣為遂有師注遂人主六

遂若司徒之于六鄉也六遂之地自遠郊以達于畿中

有公邑家邑大都小都焉鄭司農云百里內為六鄉外

為六遂音跟一鄉出一軍鄉為正遂為副族師十家為聯十人為聯

八閭為聯一鄉五州二十五黨百二十五族五百閭

二千五百比一萬二千五百家司馬法萬二千五百人

為軍天子六軍出於六鄉諸侯大國三軍出于三鄉

按司

馬法二十五人為兩四兩為卒五卒為旅五旅為師五師為軍萬二千五百人也

遂之制五縣

二十五鄙百二十五鄰五百里二千五百鄰萬二千五

百家以起政役亦如之王國百里為郊鄉在郊內遂在

郊外六鄉謂之郊六遂謂之野 易氏曰先王軍制調

兵必五數出兵必百數五家為比則五人之伍五比為

閭則五伍之兩以至五黨為州則五旅之師五州為鄉

則五師之軍其積數實起于五人之伍不五數不足以

調兵也百人之卒成一小陳五百人之旅成一中陳二千五百人之師成一大陳萬二千五百人之軍成五大陳其積數實起于百人之卒不百數不足以出兵也

春秋正義家出一人故鄉為一軍天子六軍出于六鄉則大國三軍出自三鄉其餘公邑采地之民不在三軍

之數

詩公劉正義周之軍賦皆出于鄉家出一人故鄉為一軍諸侯三軍出于三鄉而已其餘公邑采地

不以為軍若夏殷之世則通計一國之人以為軍數鄭注小司徒司馬法云成出

革車一乘甲士十人徒二十人謂公卿大夫畿內采地

之制杜注云甸出長轂一乘甲士三人步卒七十二人多是司馬法而以周禮冠之謂諸侯邦國出軍之法故不同古者用兵天子先用六鄉六鄉不足取六遂六遂不足取公卿采邑及諸侯邦國若諸侯出兵先盡三鄉三遂鄉遂不足然後總征境內之兵此一車甲士步卒總七十五人周禮大司馬五人為伍云云大數不同者大司馬所云謂鄉遂出軍及臨時對敵布陳用兵之法此甲士三人步卒七十二人謂徵課邦國出兵之時所徵

之兵既至臨陳還同鄉遂之法先偏後伍卒偏之兩千夫長百夫長是臨時對敵皆用卒兩師旅也四丘為甸據上地言之若以上中下地相通則二甸共出一乘甸即乘也六十四井出車一乘故以甸為名魯是大國甲兵先多僖公之世頌云公車千乘僖公之蒐傳稱革車千乘 三禮義宗周制天子六鄉六遂諸侯大國三鄉三遂小國一鄉一遂鄉及遂各萬二千五百家鄉內則立比閭族黨州鄉之名遂內則立鄰里鄙鄙縣遂之名

俱有六等異其屬官之名者別內外也然居郊之內而非鄉民者謂廛里邑之士居郊之外而非遂民者謂之公邑鄙之人六鄉六遂及公邑之法則不為井田都鄙

采地之制則為井田遂人所造溝澮者是鄉遂之制小

司徒所造丘甸者是采地之法 魯語魯季武子為三

軍叔孫穆子曰不可天子作師公帥之以征不德師謂六軍

元侯作師卿帥之以承天子師三軍也諸侯有卿無軍帥教衛

以贊元侯次國之君有命卿無三軍禮所謂次國二軍小國一軍謂以賦出軍從征伐也自伯

子男有大夫無卿帥賦以從諸侯

無命卿也

是以上能征下

下無姦慝 齊語管子曰聖王之治天下參其國而伍

其鄙注國郊以內鄙郊以外也謂三分國都以為三軍

五分其鄙以為五屬也聖王謂若湯武也 坊記疏據

司馬法之文諸侯車甲牛馬皆計地令民自出若鄉遂

之衆七十五人則遣出革車一乘甲士三人馬四疋牛

十二頭恐非力之所能皆是國家所給故周禮巾車職

毀折入齋于職幣又質人云凡受馬于有司者書其齒

毛與其賈司兵云及授兵從司馬之法以頒之及其受

兵輸亦如之是國家所給也 牧誓武王戎車三百兩

虎賁三百人注兵車百夫長所載也 疏臨敵對戰布陳

之時則依六鄉軍法 史記武王戎車三百乘虎賁三千人甲士四萬五千人以伐紂 書

班車有七十二人三百乘當有二萬一千六百人 劉

敞曰誓司徒司馬司空此三卿三軍也 諸侯以百乘為

軍不以萬二千五百人為軍下天子 秦誓大巡六師

也一乘則一右右皆虎賁勇士也 注云以其 修閭氏與

其國粥疏謂國家粥養未入正卒且為羨卒者 鄉師

疏六軍之外別有民徒使役皆出于鄉故鄉師治其徒

役 詩祈父箋六軍之士出自六鄉法不取于王之爪

牙之士 采芑箋方叔戎車三千乘其士卒皆有佐師

扞敵之用司馬法兵車一乘甲士三人步卒七十二人

宣王承亂羨卒盡起羨謂家之副丁也 公劉其軍三單箋大

國三軍以其餘卒為羨單者無羨卒也疏公劉夏時諸侯周制因之

三單是單而無副 古者國有遊倅田有餘夫軍有羨卒所以

副其正也 曾子固曰周有天下諸侯之國千八百以

中數率之通有兵二萬五千為四千五百萬而羨卒未
在其數 古制莫備于周有井牧之田伍兩之兵溝封
之固郊闕之限循鑿之警壺橐之守不得已而用民則
鄉遂公邑三等采地以次召發不止則諸侯又不止則
有遍境出之法乃知古人雖以禮義庶恥為域民固國
之道未嘗不設險用師以輔之也

周軍制

見陣法類 李靖問對周之始興太公實繕其法始于

改都以建井畝戎車三百兩虎賁三百人以立軍制

周乘馬法 軍賦

漢刑法志殷周以兵定天下天下既定戢臧干戈教以文德而猶設司馬之官立六軍之衆因井田而制軍賦地方一里為井井十為通通十為成成方十里成十為終終十為同同方百里同十為封封十為畿畿方千里有稅有賦稅以足食田租也賦以足兵故四井為邑四邑為丘丘十六井也有戎馬一匹牛三頭四丘為甸甸六

十四井也有戎馬四匹兵車一乘牛十二頭甲士三人
卒七十二人干戈備具是謂乘馬之法一同百里提封
萬井除山川沈斥城池邑居園圍術路三千六百井定
出賦六千四百井戎馬四百匹兵車百乘此卿大夫采
地之大者也是謂百乘之家一封三百一十六里提封
十萬井定出賦六萬四千井戎馬四千匹兵車千乘此
諸侯之大者也是謂千乘之國

包氏論語注謂井田方
里為井一井為乘百里

之國通
有千乘

天子畿方千里提封百萬井定出賦六十四萬

井戎馬四萬匹兵車萬乘故稱萬乘之主戎馬車徒干
戈素具春振旅以蒐夏拔舍以苗秋治兵以獮冬大閱
以狩皆於農隙以講事焉五國為屬屬有長十國為連
連有帥三十國為卒卒有正二百一十國為州州有牧
連帥比年簡車卒正三年簡徒羣牧五載大簡車徒此
先王為國立武足兵之大畧也 夏官大司馬凡令賦
以地與民制之上地食者參之二民可用者家三人中
地食者半二家五人下地參之一家二人注賦給軍用

者也令邦國之賦亦以地之美惡民之衆寡為制如六

遂矣

疏按小司徒地有上中下按遂人上中下地與此合故云邦國如六遂

地官小司

徒三年大比則受邦國之比要乃會萬民之卒伍而用

之五人為伍五伍為兩四兩為卒五卒為旅五旅為師

五師為軍以起軍旅以作田役以比追胥以令貢賦乃

經土地而井牧其田野九夫為井四井為邑四邑為丘

四丘為甸四甸為縣四縣為都以任地事而令貢賦凡

稅歛之事

孔子稱子路千乘之國可使治其賦也古者以田賦出兵故謂兵為賦春秋傳所謂悉索

啟賦是也左傳晉人曰注賦謂出車徒給繇役也司
羣臣帥賦與注猶兵車

馬法曰六尺為步步百為畷畷百為夫夫三為屋屋三
為井井十為通道為匹馬三十家士一人徒二人通十
為成成百井三百家革車十乘士十人徒二十人十成
為終終千井三千家革車十乘士百人徒二百人十終
為同同方百里萬井三萬家革車百乘士千人徒二千
人疏此謂天子畿內采地法鄭注論語道千乘之國亦
引司馬法彼是畿外邦國法彼革車一乘甲士三人步

卒七十二人甲士少步卒多此士十人徒二十人比畿外甲士多步卒少外內有異故也凡出軍之法先六鄉賦不止次出六遂賦猶不止徵兵於公邑及三等采賦猶不止乃徵兵于諸侯賦猶不止則諸侯有遍境出之

法則千乘之賦是也

牧誓疏若鄉遂不足
以召兵于邦國

縣師將有軍

旅則受灋于司馬以作其衆庶會其車人之卒伍疏司馬主將事故先受出軍多少及法式會其車人之卒伍則百人為卒五人為伍車亦有卒伍 鄴長若作其民

而用之則以旗鼓兵革帥而至 稍人掌令丘乘之政

令

注四丘為甸

若有會同師田行役之事則以縣師之灋作

其司徒輦輦帥而以至治其政令以聽于司馬 左傳

成元年作丘甲

穀梁以為丘作甲以農為工公羊注始使丘民作鉞

注周禮四

丘為甸甸六十四井出長轂一乘戎馬四匹牛十二頭

甲士三人步卒七十二人此甸所賦今魯使丘出之

禮封

人疏三等采地之中故有丘甸井田之法疏此注多是司馬法

胡氏曰今作丘甲者是丘

出一甲一甸之中共百人為兵一丘所出十八人積四丘而具一乘

李靖問對太宗問

楚廣與周制如何靖曰周制一乘步卒七十二人甲士
三人以二十五人為一甲凡三甲共七十五人楚人二
廣之法一乘至用百五十人 楚語國馬足以行軍公
馬足以稱賦不是過也 禮記疏坊記古者方千里其中

六十四井出兵車一乘此兵賦之法也按司馬法云成
方十里出革車一乘又云甸方八里出長轂一乘鄭注
小司徒云若通溝洫之地則為十里若除溝洫之地則
為八里兵賦之法王畿之內六鄉之法家出一人凡出

軍之法鄉為正遂為副則遂之出軍與鄉同公邑出軍亦與鄉同其公卿大夫采地既為井田殊于鄉遂則出軍亦異于鄉遂也故鄭注小司徒井十為通云云此采地出軍之制也王畿之外諸侯大國三軍次國二軍小國一軍皆出鄉遂費誓云三郊三遂是諸侯有遂也諸侯計地出軍則司馬法云四丘為甸出長轂一乘成元年作丘甲杜服俱引此文

公羊注十井共出兵車一乘

劉子天子之

老請帥王賦元戎十乘以先啟行積倉於邠峙糧于申

會蒐之備取于衛古人藏賦于民如此春秋時齊桓之

師鄭共資糧晉軍楚地食其軍穀鄆無賦于司馬

政象無傳

而四司馬之官皆已去籍鄭康成諸儒直以稷直司馬法為證

周書武順解五五二

十五曰元卒一卒居前曰開

猶啓

一卒居後曰敦

猶殿

左右

一卒曰閭四卒成衛曰伯三伯一長曰左三左一長曰

右三右一長曰正三正一長曰卿三卿一長曰辟

君此也

謂諸侯三軍

周八次八舍 七萃

天官宮正以時比宮中之官府次舍之衆寡注次諸吏直宿若今部署諸廬者舍其所居寺疏此次若匠人云外有九室九卿治之詩云適子之館兮卿士所之之館在天子之宮中寺即舍也官府退息之處 宮伯掌王宮之士庶子凡在版者授八次八舍之職事注衛王宮者必居四角四中于徽候便也鄭司農云庶子衛王宮在內為次在外為舍玄謂次其宿衛所在舍其休沐之處疏舍若掌舍之舍

宮正宮伯居衛之制
虎賁旅賁行衛之制

內宰治王

內之政令分其人民而居之注均宿衛 掌舍掌王之
會同之舍設楹桓再重注杜子春云行馬鄭云行馬再
重者以周衛有內外列 地官彙人享士庶子注卿大
夫士之子弟宿衛王宮者 小司徒疏按書傳云餘子
皆入學則餘子不得為羨是宿衛之人 秋官司隸帥

四翟之隸守王宮疏宮正掌宮中官府宮伯掌其子弟

司寤氏疏言行夜徼候者若宮伯掌授八次八舍注
云於徼候便也 穆天子傳王勤七萃士七萃之士曰

高奔戎 文選王元長

融

曲水詩序七萃連鑣虞子陽

義詩雲屯七萃士注穆天子傳曰天子賜七萃之士注

萃聚也亦猶傳有七輿大夫聚集有智力者為王之爪

牙

文選注紀年曰周穆王三十七年征伐大起九師東至于九江

漢地理志成臯注

師古曰穆天子傳云七萃之士生捕虎天子蓄之東號

號曰虎牢

水經注引穆天子傳七萃之士捕虎

白居易云周設七萃漢

列八屯皆以拱衛王宮肅嚴徽道 虎賁綴衣無非

吉士侍御僕從罔匪正人掌固頒士庶子及衆庶

之守諸子授車甲合卒伍置有司以軍法治之不
特王國為然都家司馬各掌士庶子及衆庶車馬
兵甲之戒令宿衛非宮正之羣吏則宮伯之士庶子所
謂執矛戈立階阼皆冕衣裳者非若後世但以兵衛也
昔周公作立政汲汲于用賢而以虎賁綴衣趣馬攜僕
列諸左右常伯三事之下常伯三事皆大臣也名位尊
矣視趣馬綴衣至不等而一概言之以大臣進見有節
敷奏有常而朝夕與王燕者則斯人也必以士為之則

必公卿所自簡除考課是故分隸于列卿而冢宰之治
特詳書曰昔在文武侍御僕從罔匪正人以旦夕承弼
厥辟由此其選也方周公之教世子也周公之子伯禽
衛康叔之子牟齊太公之子伋俱事成王伯禽牟伋益
宿衛國子也他日能為顯諸侯而成王與之處則相觀
之善益多 王宮宿衛有官府之吏有國之士庶子有
守王宮之民 古者執戈戟以宿衛王宮皆士大夫職
之無事而奉燕私則從容養德有膏澤之潤有事而司

禦侮則堅明守義無腹心之虞秦漢陞楯執戟尚餘一
二 康王即位同召六卿而命仲桓南宮毛者必太保
宣王南征程伯休父實為司馬而整六師者大師皇父
也一相處內無所不統 周公東征四國是皇此上公
為軍將韎韜有奭以作六師此諸侯世子為軍將 周
公指虎賁與常伯同戒于王欲其知恤自諸侯入典親
兵

周虎賁 旅賁

書牧誓武王虎賁三百人

孟子史記云三千人武王曰子有臣三千

疏若虎

之賁走逐獸言其猛也軍內驍勇選而為之樂記云虎

賁之士說劍謂此也立政綴衣虎賁顧命師氏虎

臣

注虎賁氏

太保命仲桓南宮毛俾爰齊侯呂伋以二千戈

虎賁百人逆子釗南門之外

注伋為天子虎賁氏

禮夏官虎賁

氏

下大夫二人中士十人

有二人虎士八百人掌先後王而趨以卒伍

注雖羣行亦有

局分疏五人為伍百人為卒

舍則守王闕

樞

王在國則守王宮

為周術

旅賁氏

中士二人下士十有六人

掌執戈盾夾王車而趨左八人

右八人

下士十六人夾王車中士是官首為之帥

車止則持輪

司士虎士

在路門之右

司戈盾授旅賁及虎士戈盾

國語叔

孫穆子曰天子有虎賁習武訓也諸侯有旅賁禦災害

也衛武公在輿有旅賁之規左傳僖二十八年王賜

晉侯虎賁三百人彤弓虎賁文公受之以有南陽之田

胡氏曰王者六軍乃畿內井牧之什伍也天子親衛

則虎賁之士而已周書世俘云甲申百弁以虎賁誓

命伐衛告以馘俘尅殷云王既以戎車虎賁馳商師

晉天文志武賁一星在太微西蕃北下旋頭之騎官也

周宿衛令

天官宮正會其什伍而教之道藝注五人為伍二伍為什會之者使之輩作輩學相勸帥且寄宿衛之令 內

宰憲禁令于王之北宮而糾其守注守宿衛者 夏官

司士王族故士注故為士晚退留宿衛者 秋官脩閭

氏掌比國中宿互櫝者注鄭司農云宿宿衛也互行馬

櫝行夜擊柝

周畿兵

左傳襄十六年穆叔賦圻父注周司馬掌封畿之兵甲
故謂之圻父 詩祈父注司馬也職掌封祈之兵甲疏
掌封畿兵甲通作畿字古字通用尚書作圻司馬掌祿士故
司士之官屬焉是爵祿黜陟由司馬也其屬又有司右
之官主勇力之士故爪牙屬司馬也

魯三軍

左傳襄十一年季武子將作三軍

注魯本無中軍惟上下二軍皆屬于公

告叔孫穆子曰請各征其軍穆子曰政將及子子必不

能武子固請三分公室而各有其一

公羊云益司馬作中卿官

昭五

年舍中軍 疏魯有二軍有事則三卿更互帥之以征

伐不得專其民也季氏欲專其民假立中軍因以改作

國語云遂作中軍

禮明堂位云成王封周公地方七百里必有

三軍魯頌閟宮頌僖公云公徒三萬鄭玄注云大國三

軍合三萬七千五百人言三萬舉成數也則僖公復古

制亦三軍矣自文公以來霸主之令軍多則貢重自減

為二軍

周禮疏僖公時二軍作詩之人舉魯
盛時而言魯公伯禽之時則三軍

三子自以

采邑之民為己之私乘如子產出兵車十七乘之類是

以其私家車乘也 魯頌公車千乘公徒三萬注大國

之賦千乘疏千乘有七萬五千人與下公徒三萬數不

合此自謂計地出兵非彼三軍之車也

魯之公車千乘
不過公徒三萬

如司馬法則當
出七萬五千人

坊記制國不過千乘疏異義云魯頌

云公車千乘謂大總計地出軍也公徒三萬謂鄉遂兵

數也是國界計地與鄉遂數不同諸侯成十里出賦之

時雖革車一乘甲士三人步卒七十二人其臨敵對戰之時則同鄉法五人為伍五伍為兩之屬也左傳邲之戰楚廣有一卒卒偏之兩又云兩之一卒適吳是臨軍對陣同鄉法也牧誓武王戎車三百兩孔注云一車步卒七十二人則出軍之法也云千夫長百夫長謂對敵時也成國之賦千乘謂公侯之封也千乘之賦地方三百十六里有疇周禮公五百里侯四百里其地雖過兵賦唯千乘

晉三軍 六軍 二軍 被廬法

左傳閔元年晉侯

獻公

作二軍

上軍 下軍

僖十五年晉作州

兵二十七年晉蒐被廬作三軍謀元帥

文公復大國之禮

郤穀

中軍卻縠佐之狐毛上軍偃佐之欒枝下軍先軫佐之

荀林父御戎魏犢為右

杜預曰晉常以春蒐改政令收其始也大蒐示禮一戰而伯

昭二十九年冬仲尼曰文公作執秩之官為被廬之法

應劭曰作執秩為六官之法

僖二十八年城濮之戰晉車七百乘

作三行以禦狄三十一年作五軍以禦狄 莊十六年

王命曲沃伯以一軍為晉侯 文六年春蒐于夷舍二
軍改蒐于董 文十七年蒐黃父 宣十四年蒐鄭

成二年鞏之戰晉車八百乘

正義計有六萬人唯三卿帥之 趙盾納捷菑八百

乘

成三年十二月作六軍 襄八年晉君方明四軍

無闕八卿和睦

上中下新軍 軍有二卿

襄十三年蒐緜上新軍

無帥使其什吏率其卒乘官屬以從於下軍正義什吏
謂十人之長也周禮夏官序云凡制軍萬有二千五百
人為軍軍將皆命卿二千有五百人為師師帥皆中大

夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長不言十人有長夏官所云周禮之正法量時制事未必盡然尚書牧誓有千夫長百夫長齊語管子設法五人為伍五十人為小戎二百人為卒二千人為旅萬人為軍吳語王孫雄設法百人為行十行一旌十旌一將軍引司馬法云十人之帥執鈴百人之帥執鐸千人之帥執鼓萬人之將執大鼓三者數人置帥皆以什計之異于

周禮則晉人為軍或十人置吏也 襄十四年舍新軍

成國不過半天子之軍周有六軍諸侯之大者三軍可

也

疏鄭玄云方四百里以上為成國成國唯公與侯春秋之世鄭置六卿未必不為三軍

昭十

三年治兵邾南甲車四千乘三十萬人叔向曰寡君有甲車

四千乘在

時晉國唯立三軍

齊內政 三軍 楚軍政

國語管子曰昔者聖王治天下參其國三分國都以為三軍而伍

其鄙五分其鄙以為五屬定民之居成民之事公曰定民之居若

何曰云云於是制國以為二十一鄉

二千家為一鄉二十
一鄉凡四萬二千家

此管子所制
非周法也

工商之鄉六

二者不
從戎役

士鄉十五

士軍士也
十五鄉合

三萬人是
為三軍

公帥五鄉焉

五鄉萬人是謂
中軍公所帥也

國子帥五鄉焉

高子帥五鄉焉

皆齊上卿各帥
五鄉為左右軍

參國起按以為三官臣

立三宰

三卿也

工立三族市立三鄉澤立三虞山立三衡

管子曰君若欲速得志于天下諸侯則事可以隱令可

以寄政作內政

國政也

而寄軍令焉于是制國五家為軌

軌為之長十軌為里里有司四里為連連為之長十連

為鄉鄉有良人焉鄉大以為軍令五家為軌故五人為

伍軌長帥之

居則為軌出則為伍所謂齊政也

十軌為里故五十人為

小戎

兵車也有司之所乘古者戎車一乘步卒七十二人今齊五十人

里有司帥之四

里為連故二百人為卒連長帥之十連為鄉故二千人

為旅鄉良人帥之五鄉一帥故萬人為一軍五鄉之帥

帥之

每一軍為五鄉也鄉帥帥也萬人為一軍齊制也周則萬二千五百人為軍

三軍故有中

軍之鼓有國子之鼓有高子之鼓春以撥振旅秋以獮治兵是故卒伍整于里軍旅整于郊內教既成令勿使

遷徙伍之人祭祀同福死喪同恤禍災共之人與人相
疇家與家相疇世同居少同遊故夜戰聲相聞足以不
乖晝戰目相視足以相識其歡欣足以相死居同樂行
同和死同哀守則同固戰則同疆君有此士也三萬人
以方行于天下管子云有此教士
三萬人橫行天下以誅無道以屏周室
天下大國之君莫之能禦也正月之朝鄉長復事君親
問焉國子高子退而修鄉鄉退而修連連退而修里里
退而修軌軌退而修伍伍退而修家匹夫有善可得而

舉也有不善可得而誅也政既成鄉不越長朝不越爵

民皆勉為善公曰伍鄙若何對曰制鄙三十家為邑邑

有司

制野鄙之政也此
下與郊內之政異

十邑為卒卒有卒帥十卒為鄉

鄉有鄉帥三鄉為縣縣有縣帥十縣為屬屬有大夫五

屬故立五大夫各使治一屬焉

五屬四十
五萬家

立五正各使

聽一屬焉是故正之政聽屬牧政聽縣

牧五屬
大夫也

下政聽

鄉

下政縣
帥也

正月之朝五屬大夫復事公擇是寡功者而

誡之五屬大夫于是退而修屬屬退而修縣縣退而修

誡之五屬大夫于是退而修屬屬退而修縣縣退而修

屬屬退而修縣縣退而修

鄉鄉退而修卒卒修邑邑修家政既成以守則固以征

則彊有革車八百乘

齊法五千人為小戎車八百乘有四萬人

兵車之會六

乘車之會三諸侯甲不解累兵不解騎弋無弓服無矢

隱武事行文道帥諸侯而朝天子教大成定三革隱五

及朝服以濟河而無怵惕焉

管子內言

同國語

作內政

而寓軍令焉為高子之里為國子之里為公里三分齊

國以為三軍擇其賢民使為里君鄉有行伍卒長則其

制令且以田獵因以賞罰桓公問管仲對以參國伍鄙

立五鄉以崇化建五屬以厲武寄兵于政因罰備器械

以車百乘卒千人以緣陵封杞夷儀封邢車五百乘卒

五千人以楚丘封衛左傳閔二年齊侯使公子無虧

帥車三百乘甲士三千人以戍曹注車甲之賦異于常襄二十

三年秋齊伐衛先驅前鋒申驅次前貳廣公副啓左肱右

大殿後駟乘四人共乘殿車疏啓肱是在旁之軍翼名之曰啓或使之先行詩云以先啓行

漢刑法志齊桓公任管仲公問行霸用師之道於是

作內政而寓軍令焉云李靖問對管仲制齊之法云

亦由司馬法一師五旅一旅五卒之義焉其實皆得太公之遺法 韓非子郭偃之始治也文公有官卒管仲之始治也桓公有武車戒民之備也 吳子齊桓募士五萬以霸諸侯晉文名為前行四萬以獲其志 史記律書齊用王子申明軍約賞罰必信 左傳宣十二

年隨武子曰為敖擇楚國令典軍政不戒而備 管子立政篇分國以為五鄉鄉為之師分鄉以為五州州為之長分州以為十里里為之尉分里以為十游游為之

宗十家為什五家為伍什伍皆有長焉 晉語士為曰

古之為軍也軍有左右闕從補之成而不知是以寡敗

周書大聚云五戶為伍以首為長十夫為什以年為

長 尉繚子伍制令軍中之制五人為伍十人為什五

十人為屬百人為閭 左傳哀公十七年越子為左右

句卒注鈞伍相著別無左右也 漢書晁錯言臣聞古

之制邊縣以備敵使五家為伍伍有長十家一里里有

假士大四里一連連有假五百師名也 十連一邑邑有假

候皆擇其道之賢材有護保護之能也習地利知民心者居

則習民於射法出則教民于應敵故卒伍成于內而軍

政定于外

古者什伍之法於州鄉則聯其民于師田則聯其徒於

宿衛則聯其官故能以中國為一人而無內患為屬聯

卒州以聯其國為長帥正伯以聯其人故能以天下

一家而無外虞

齊技擊 魏武卒 秦銳士

荀子議兵

漢刑
法志

孫吳尚勢利而貴變詐施于暴亂之國

上下離心故可變而詐也仁人在上何可當也以桀詐

堯夫何幸之有若齊之技擊得一首則受賜金事小敵

脆則媮可用也事鉅敵堅則渙然離矣是亡國之兵也

史記燕秦說齊宣王曰三軍之良五家之兵進如鋒矢
戰如雷霆解如風雨荀卿所謂技擊也 鋒矢戰國策

作疾如
錐矢魏氏武卒衣三屬之甲操十二石之弩負矢五

十个置戈其上冠冑帶劔贏三日之糧日中而趨百里

中試則復其戶利其田宅如此則其地雖廣其稅必寡

其氣力數年而衰是危國之兵也

史記燕秦說魏襄王曰地方千里武士二

十萬所謂武卒也

秦人其生民也陘阨其使民也酷烈劫之以

勢隱之以阨狃之以賞慶道之以刑罰使民所以要利於上者非戰無由也功賞相長五甲首而隸五家是最為有數故能四世有勝於天下然皆干賞蹈利之兵庸徒鬻賣之道耳未有安制矜節之理也故雖地廣兵彊鯁鯁常恐天下之一合而共軋已也至于齊桓晉文之兵可謂入其域而有節制矣然猶未本仁義之統也故

齊之技擊不可以遇魏之武卒魏之武卒不可以直秦

之銳士秦之銳士不可以當桓文之節制桓文之節制

不可以敵湯武之仁義

漢志齊愍以技擊彊魏惠以武卒奮秦昭以銳士勝衛鞅今

民為什伍有軍功者各以率受上爵內急耕織之業以富國外重戰伐之賞以勸戍士魏公子無忌得選

兵八萬人擊秦王

簡什推二人從軍

漢材官騎士

紀高帝二年五月漢王屯滎陽蕭何發關中老弱未傅者悉詣軍注如淳曰律年二十三傅之疇官漢儀注民

年二十三為正一歲為衛士一歲為材官騎士習射御

騎馳戰陳年五十六乃免就田里凡在官三十四年

韓師說二十從役三十受兵班昭曰古者十五受兵六十運兵太公六韜有選車士騎士之法取年四十以

下長七尺以上名曰武車武騎之士十一年秋七月發上郡北地隴西車

騎巴蜀材官及中尉卒三萬人為太子衛軍霸上注應

劭曰材官有材力者張晏曰材官騎士習射御騎馳戰

陳材官騎士散在郡國虎符羽檄召而後來常以八月太守都尉令長丞會

都試課殿最水處則習船邊將萬騎行障塞光武時省

惠帝七年冬十月發車騎材官詣滎陽太尉灌嬰將
文帝三年五月發中尉材官屬衛將軍軍長安 景

帝後二年春發車騎材官屯鴈門 武帝元光二年六

月李息為材官將軍屯馬邑谷中六年秋韓安國為材

官將軍屯漁陽

言方佃作時
請且罷屯

宣帝神爵元年發材官

騎士羌騎詣金城 後紀光武建武七年三月丁酉詔

罷輕車騎士材官樓船士及軍假吏令還復民伍

車若
近代

代車騎若
今武馬

注漢官儀曰高祖命天下郡國選能引關蹶

張材力武猛者為輕車騎士材官樓船常以立秋後講

肄課試各有員數平地用車騎山阻用材官水泉用樓

船今悉罷之

應劭漢官曰自郡國罷材官騎士之從官無警備實啓戎心一方有難三面救之黠

首翬然不及講其射御用其戒誓一旦驅之以即強敵猶鳩鶴捕鷹鷄豚羊弋豺虎每戰常負王旅不振遠徵

三邊殊俗之兵忽驚縱橫

列傳韓安國傳漢伏兵車騎材官三十

餘萬匿馬邑旁谷中

趙充國傳神爵元年

三月

發三

河潁川沛郡淮陽汝南材官金城隴西天水安定北地

上郡騎士詣金城充國奏罷騎兵屯田黃霸為京兆

尹發騎士詣北軍 趙廣漢按蘓賢為騎士屯霸上不

詣屯所乏軍興 霍光傳發材官輕車北軍五校 刑

法志漢興踵秦而置材官於郡國

然則材官即秦法秦二世召材士五萬

人屯衛咸陽 灌嬰傳秦騎士李必駱甲

補兵志材官騎士屬郡都尉以

歲八月太守都尉令長丞為會都試水處為樓船令丞

尉亦各統其縣守尉不得專也大抵金城天水隴西安

定北地河東上黨上郡多騎士三河潁川沛郡淮陽汝

南巴蜀多材官江淮以南多樓船士其興發量地遠近

巴蜀三河潁川有材官上郡北地隴西有車騎廬
江會稽尋陽有樓船三者隨土之宜參互以設
若宣

帝以沛郡淮陽汝南征西羌蓋罷民矣

郡國不擅斥騎士

趙廣漢傳坐擅斥除騎士

非教士不得召發

燕王旦傳策曰非教士不得從征

以功推遷得至將相

列傳申屠嘉梁人以材官蹶張遷為隊帥積功至淮

陽太守

如淳曰多力能足踞
強弩者伴為蹶張士

周勃沛人為材官引

彊

孟康曰如今
挽彊司馬

趙充國始為騎士以六郡良家子

補羽林

霍去病傳騎士孟已有功賜爵關內侯

然其試騎士有為伍分左右部置軍假司馬千人或至
坐死

韓延壽傳在東郡時試騎士治飾車甲

而諸侯王不得領庫兵飭武備

燕王旦傳詐言以武帝時受詔領庫兵飭武備數閱

其車騎材官卒策曰非教士不得從征

武帝之後有選募有罪徒其選募曰勇敢

武紀天漢四年發勇敢士擊匈奴 李陵傳將勇敢

五千人教射張掖酒泉以備胡天漢二年陵自請曰

臣所將屯邊者皆荆楚勇士奇材劍客也

曰奔命

昭紀始元元年夏發犍為蜀郡奔命擊益州注應劭

曰舊時郡國皆有材官騎士以赴急難今夷反常兵

不足以討之故權選取精勇聞命奔走故謂之奔命
李斐曰平居發者二十以上至五十為甲卒今五十
以上至二十以下為奔命 丙吉傳邊郡發奔命
曰伉健

宣紀本始二年大發選郡國吏三百石伉健習騎射
者皆從軍 趙充國傳奏四月草生發郡騎及屬國
胡騎伉健各千倅馬什二就草

曰豪吏

王温舒傳會宛軍發詔召豪吏

曰應募

宣紀神爵元年發三輔中都官徒弛刑及應募飲飛
射士 列傳趙充國願罷騎兵留弛刑應募及淮陽

汝南步兵與吏士私從者

雷被願奮擊匈奴曰私從
李廣傳負私從者不與

馮奉世傳復發募士萬人 常惠自奮應募

其罪徒曰謫民曰惡少曰亡命曰徒曰犯刑曰罪人曰
應募罪人至于中興併尉職罷都試材官騎士還復民

伍蓋長從募士多而郡國之兵壞矣

後傳建武二十四年武陵五溪蠻反馬援將十二郡

募士及弛刑四萬餘人擊之

漢創秦故始令天下縣邑城

高六年十月

而材官騎士歲時

講肄然其給事郡國唯更卒衛士而材官騎士非虎符
不得輒發唯當寇之邊特異內郡

漢官儀邊郡不給衛士材官 漢舊儀邊郡太守將

萬騎行障塞 趙充國傳奏云北邊自敦煌至遼東

萬一千五百餘里乘塞列隧有吏卒數千人虜數大

衆攻之而不能害 功臣表呂騰以騎士駒幾以屬

國騎 翟方進傳子義為東郡守以九月都試日斬

觀令因勒其車騎材官士

漢兵散于郡國雖郡守不得擅發其屬縣

後

傳李通光武相結定議期以材官都試騎士日因號

令大衆注漢法以立秋日都試謂課殿最也 寇恂

曰上谷控弦萬騎

補兵志更卒曰踐更秦爵不更不為更卒左右中更

主領更卒其番上尉主之郡國役使過律若過員皆坐免其不役而收其直謂之更賦 食貨志董仲舒

曰秦法月為更卒已復為正一歲屯戍一歲力役三十倍于古漢興循而未改 史大事記高后五年令戎卒歲更 晁錯傳今遠方之卒守塞一歲而更不

如選常居者又云材官騶發

騶謂矢之善者發騶矢以射也

矢道同

的則匈奴之草筍木薦弗能支也平地通道則以輕車材官制之益以邊郡之良騎 高帝紀五年九月發

河東上黨騎屯地 昭紀始元二年冬發習戰射
士屯田張掖 後傳皇甫規上疏求自劾曰願假臣
兩營二郡屯列坐食之兵五千出其不意注兩營謂
馬賢及趙冲等二郡謂安定隴西也 劉賜更始二
年春就國于宛典將六部兵伯升初起置六部之兵
漢初調發猶近古高帝發中尉卒止軍霸上文帝發中
尉材官止軍長安畿兵猶未遠出也元鼎六年中尉卒
擊南越矣神爵元年羽林孤兒胡越騎詣金城矣京師

之兵越臨邊境非古也

五行志文三年夏詔丞相灌嬰發車騎士八萬五千人詣高奴擊右賢王後六年春先是發車騎材官屯

廣昌是歲二月復發材官屯隴西後匈奴大入上郡

雲中烽火通長安三將軍屯邊

今免蕪
意張武

又三將軍屯

京師

周亞夫劉
禮徐厲

景中三年秋先是匈奴寇邊中尉不

害將車騎材官士屯代高柳 馮唐傳為車騎都尉

主中尉及郡國車士 武紀元鼎六年冬十月發隴

西天水安定騎士及中尉河南河內卒十萬人遣李
息徐自為擊西羌平之征和元年十一月發三輔騎

士大搜上林

平準書非吏比者
三老比邊騎士

宣紀本始二年秋

大發興調關東輕車銳卒選郡國吏三百石伉健習

騎射者皆從軍凡五將軍兵十五萬騎擊匈奴 後

傳寇恂守河內遣谷崇將突騎為軍鋒 吳漢曰漁

陽上谷突騎天下所聞拜大將軍持節北發十郡突

騎建武八年勅漢曰諸郡甲卒坐費糧食宜悉罷之

耿弇見郡尉試騎士于是好將帥之事

上谷耿況
漁陽彭寵

各發突騎二十
匹步兵千人

彭寵傳發步騎三千人

何進發

太山郡强弩

前地理志南郡有
發弩官主教放弩

漢調兵有四縣有更卒邊有繇戍中都有衛士都尉有

材官車騎樓船

三者隨土之宜參
互以設詳見上

皆以民更代衛士衣

食縣官其餘則否

史大事記文十三年除戍卒令

賈山傳減外繇衛

卒 昭紀元平元年二月詔日者減外繇 宣紀五

鳳四年正月以邊塞亡寇減戍卒什二 霍去病傳
渾邪降減隴西北地上郡戍卒之半以寬繇役 魏
相傳河南卒戍中都官者二三千人 武帝以淮陽
天下郊勁兵處徙灌夫為太守 馮緄南征武陵受
丹陽精兵之銳 關東甲卒 蜀諸葛亮表曰實
叟青羌散騎武騎一千餘人

漢關中兵

紀高帝二年二月癸未關中卒從軍者復家一歲五月

屯滎陽蕭何發關中老弱未傅者悉詣軍六月興關中卒乘邊塞三月告諸侯曰悉發關中兵收三河士南浮江漢以下擊楚六月壬午立太子令諸侯子在關中者為衛十一年七月發上郡北地隴西車騎巴蜀材官及中尉卒三萬人為皇太子衛軍霸上 列傳張良漢十

一年

紀在七月

黥布反上自將而東羣臣居守皆送至霸上


良至曲郵見上因說上令太子為將軍監關中兵

叔孫通為

太傅良行少傅事

曹參漢二年拜為假左丞相入屯兵關中

蕭何計戶轉漕給軍漢王數失軍何常與關中卒輒
補關上以此剽屬任何關中事 後傳皇甫規為中郎
將持節監關西兵討零吾等



玉海卷一百三十六

欽定四庫全書

子部

玉海卷一百三十七

詳校官中書臣張經田

主事臣祁韻士覆勘

總校官進士臣

朱

鈐

校對官編修臣

朱

攸

謄錄監生臣

王元勛

欽定四庫全書

玉海卷一百三十七

宋 王應麟 撰

兵制

兵制

漢南北軍屯 五營五校

刑法志高祖躬神武之才行寬仁之厚總擊英雄天下
既定踵秦而置材官于郡國京師有南北軍之屯 高

后紀又外戚傳以呂祿為上將軍居北軍呂產為相國居南

軍太尉勃欲入北軍不得入襄平侯紀通尚符節乃令

持節矯納勃北軍

太尉勃身率襄平侯通持節承詔入北軍

勃既將北軍然

尚有南軍丞相平召朱虛侯章佐勃勃令章監軍門令

平陽侯告衛尉

衛尉掌宮門衛屯兵即所謂南軍也

毋納相國產殿門產

不知祿已去北軍入未央宮殿門弗納文紀帝入未央

宮夜拜宋昌衛將軍領南北軍

一云鎮撫

張武為郎中令行

殿中二年十一月詔罷衛將軍軍百官表中壘校尉

掌北軍壘門續志北軍中候一人掌監五營中興省中

壘但置中候

典領之官則太尉上將軍衛將軍分掌之
吏則中壘校尉中候僚屬之員則軍正與

丞如中壘校尉軍丞使者中候
北軍所掌見于漢史而南軍少聞

史記武帝使任安

護北軍安為北軍使者護軍太子立車北軍南門外召

安與節令發兵安拜受節入閉門不出

漢書劉屈氂傳
戾太子召監北

軍使者任安發北軍
兵安受節不肯應

列傳江充為直指使者貴戚子

弟令各以秩次輸錢北軍凡數十萬舉劾貴戚近臣令
身持北軍擊匈奴 胡建武帝天漢中監軍御史穿北

軍壘垣為賈區守軍正丞建斬之

師古曰南北軍各有軍正又置丞建兼守

之劉向傳注漢儀注北軍尉一人主上書者獄

張安世罷車騎將軍屯兵

更為衛將軍兩宮衛尉城門北軍兵屬焉

史記張次公武帝時為將

軍將北軍

黃霸守京兆尹發騎士詣北軍馬不適士劾之

軍興 北軍錢官

史記任安辱北軍錢官小吏公孫敬聲擅用北軍錢

天文

志元鳳五年六月發三輔郡國少年詣北軍 後傳吳

漢發北軍五校 臧宮建武十九年將北軍及黎陽營

圍原武賊 中山王馬傳北軍胡騎便兵善射弓不空

發中必決皆 唐六典南軍若今諸衛也北軍若今左

右羽林也

通典同 李揆曰
漢以南北軍相制

補兵志南軍則衛士是

也北軍在未央北為軍壘垣置中壘校尉以一校守之
有事屯兵其中事已輒罷武帝時有諸校尉則常屯矣
漢宮城門內為南軍宮衛屯兵屬焉衛尉主之京城門
外為北軍京輔兵卒隸焉中尉主之二軍衛士皆調發
郡國材官騎士為之自武帝增八校胡越騎皆屬中尉
而北軍始有召募之兵又于光祿勳增羽林期門而與

衛尉同掌宮門而南軍始有長從之兵又發中尉卒征西羌而京師之兵始遠調昭宣以來禁旅列屯有警則發雖金城之遠羽林胡越騎亦從中而遣自是之後募外兵以從軍如始元二年募吏民擊益州本始二年選伉健習騎射者從軍而更代之法寢弛

據未央之掖勢亦危矣而北軍

足以制之發長樂武庫之兵事亦亟矣而三輔之卒足以制之自武帝增校尉而事征伐而京邑始輕自宣

帝發衛兵以詣邊郡而禁旅始疎

南軍有郎衛有兵衛掌出入宮禁

為宿衛彼北軍止於護城耳故宣帝光武時霍光吳漢

之喪皆以北軍護送故注曰不以南軍重之也 選取
則民年二十三而用五十六而退更休則一歲為衛士
一歲為材官閱習則西京曰都肄東京曰乘之秦之軍
制內有屯衛外置材官漢南北軍之屯蓋因秦之屯衛
而更其制也 蓋寬饒傳衛卒願留更一年是郡國番上
於南軍之制黃霸為京兆尹發騎士詣北軍是三輔番
上於北軍之制南軍猶調于郡國北軍第調于京輔猶
為近古也古者前朝後市王宮在南故漢衛宮之兵在

城內者為南軍衛城之兵在城外者為北軍中興置北
軍中候以監五營始謂五校為北軍 太微中居紫垣
外布環以鉤陳翼以羽林北落天垂象聖人則之奠都
建極雄據勝勢鳩天下重師宿屯皇京所以壯本根嚴
主威控萬邦也黃帝盛兵師之衛蒼姬衆虎賁之旅炎
劉定憲屯分南北衛列東西

南漢期門 虎賁郎 官騎 飲飛射士

百官表期門屬郎中令掌執兵送從武帝建元三年初

置比郎無員多至千人有僕射秩比千石平帝元始元

年更名虎賁郎置中郎將秩比二千石

少府有伏飛水衡有輯濯

列傳東方朔傳建元三年微行始出北至池陽西至黃

山南獵長楊東游宜春微行常用飲酎已八九月中與

侍中常侍武騎及待詔隴西北地良家子能騎射者期

諸殿門故有期門之號 霍光廢昌邑王車騎將軍安

世將羽林騎太后盛服坐武帳中期門武士陛戟陳列

殿下 甘延壽以良家子善騎射為羽林投石拔距絕

於等倫嘗超踰羽林亭樓由是遷為郎試弁為期
門 傅介子傳有期門郎遂成 董忠有材力給

事期門 上官桀為羽林期門郎

譙玄 後漢
傳 永

始二年成帝始作期門玄以警衛不修上書諫

宣紀神爵元年三月西羌反發三輔中都官徒弛刑及

應募飲飛射士羽林孤兒胡越騎羌騎詣金城注服虔

曰周時度江越人在船下負船將覆之飲飛入水殺之

漢因以材力名官如淳曰呂氏春秋

又見淮
南子

荆有茲非

得寶劔於干將渡江中流兩蛟繞舟茲非拔劔赴江刺
兩蛟殺之荆王聞之仕以執圭後世以為勇力之官茲
飲音相近臣瓚曰本秦左弋官也武帝太初元年改曰
飲飛官有一令九丞在上林苑中結罾繳弋鳧鴈歲萬
頭以供祀宗廟詩曰決拾既飲師古曰取古勇人以名
官熊渠之類是也亦因取其便利輕疾若飛故號飲飛
趙充國傳將兵伐先零子右曹中郎將卬將期門飲
飛羽林孤兒胡越騎為支兵賜璽書曰已詔中郎

將印將胡越飲飛射七步兵二校益將軍兵 馮

奉世傳為右將軍永光二年秋西羌反發越騎迹

射飲飛穀者羽林孤兒 西都賦期門飲飛列刃

攢錐 西京賦陳虎旅於飛廉正壘壁乎上蘭

續志虎賁中郎將主虎賁宿衛

注蔡質漢儀曰主虎賁十五百人無常員戴鷩

冠次右將府 第五倫言
虎賁中郎將典司禁兵

左右僕射主虎賁郎習射左

右陞長主直虎賁朝會在殿中虎賁中郎虎賁侍郎虎

賁郎中節從虎賁皆無員掌宿衛侍從自節從虎賁久

者轉遷才能差高至中郎

注虎賁舊作虎奔言如虎之奔也王莽以古有勇士孟賁

故名馬孔安國曰若虎賁獸言甚猛

列傳鉞期拜衛尉帝常輕與期門

近出期頓首車前曰臣聞古今之戒變生不意誠不願
陛下微行數出帝為之回輿而還 陰興建武二年守

期門僕射典將武騎從征伐操持小蓋率先期門 馬

成為期門從征伐 東海王彊建武二十八年賜虎賁

旄頭 中山王馬永平二年冬就國從以虎賁官騎

注漢

官儀騎王
家名官騎

馬辭顯宗報曰今五國各官騎百人皆壯

軍胡騎便兵善射所以重蕃職也 竇武將虎賁羽林

廐騶都候劔戟士千餘人屯朱雀掖門 袁紹傳被以

虎文注續志曰虎賁將冠鶡冠虎文單衣裏邑歲獻織

成虎文衣 國語叔孫穆子曰天子有虎賁習武訓也

諸侯有旅賁禦菑害也

衛武公在輿有旅賁之規

大夫有貳車備承

事也士有陪乘告奔命也

漢羽林 羽林令 巖郎 建章營騎 六郡

良家

百官表羽林屬郎中令掌送從次期門武帝太初元年

初置名曰建章營騎後更名羽林騎

車騎將軍安世將羽林騎

又取

從軍死事之子孫養羽林官教以五兵號曰羽林孤兒

羽林有令丞宣帝令中郎將騎都尉監羽林秩二千石

羽林令中興省 竇固傳 遼中郎將監羽林士

地理志漢興六郡良家子選

給羽林期門以材力為官名將多出焉

六郡隴西天水安定北地上郡

西河 趙充國 李廣 隴西 馮奉世 上黨 甘延壽 北地 董車 隴西 匈奴 贊文帝 從六郡 良家材力之士 馳射

上 天文志 虛危南有衆星曰羽林 天軍軍西為壘

晉志

羽林四十五
星在營室南

功臣表許惲以漢三年用趙右林將

史記

作羽林將

初擊定諸侯

師古曰林將猶言羽林之將也

宣紀

見前

注應劭

曰天有羽林大將軍之星林喻若林木之盛羽羽翮鷲

擊之意故以名官焉漢儀注羽林從官七百人師古曰

言其如羽之疾如林之多

宣帝出羽林監任勝諸領胡越騎悉易以親信許史子弟

代之燕王傅將軍都郎羽林

枚乘傳上吳王書曰不然漢知吳之

有吞天下之心也赫然加怒遣羽林黃頭循江而下注

蕪林曰羽林黃頭習水戰者也 趙充國傳以六郡良

家子善騎射補羽林為人沉勇有大畧

師古曰隴西天水安定北地上

郡西河是也

馮奉世傳元帝永光二年隴西羌多姐旁種

反發三輔越騎伙飛羽林孤兒擊之

儒林傳期門羽

林之士悉通孝經

校獵賦羽騎營營分殊事

續

志羽林中郎將主羽林郎

竇章為羽林中郎將桓典為羽林中郎將

掌宿衛侍

從常選漢陽隴西安定北地上郡西河凡六郡良家子

補本武帝以便馬從獵還宿殿陛巖下室中故號巖郎

荀綽晉百官表注曰言其嚴厲整銳也案此則為巖郎與志不同蔡質漢儀曰羽林郎百一十八人無常員府

次虎賁郎 和帝紀注漢官儀 羽林左監一人六百石 馬

曰羽林郎出補三百石丞尉 主羽林左騎 八百人 羽林右監主羽林右騎 九百人 丞

為之 任隗 一人 永元中來歷為侍中監羽林右騎曹褒監羽林左騎建初元年拜耿恭騎都尉軍吏之人皆補羽

林 後紀安帝永初元年九月壬午詔太僕少府減黃

門鼓吹以補羽林士 注左監主八百人右監主九百人 三年四月丙寅

令吏人入錢穀得為虎賁羽林郎緹騎營士 而營衛之選衰矣

順帝使虎賁羽林士屯西北宮諸門 桓帝延熹四

年七月賣虎賁羽林緹騎營士錢各有差五年八月庚

子減虎賁羽林不任事者半奉

則京師之兵益弱矣

傳清河慶

王永元十五年冬從祀章陵詔假諸王羽林騎各四十

人 在永平則將羽林禁兵屯西河者馬嚴也永元六

年將左右羽林討叛胡者鄧鴻也永初元年將左右羽

林擊羌者鄧騭也任尚將羽林緹騎屯三輔則元初二

年也馬賢屯漢陽張喬屯三輔何進屯都亭皆將左右

羽林則永和五年六年中平元年也 宋朝至道元年

張洎奏曰炎漢開基高帝云吾呂羽檄召天下兵未有

至者又孝武云初即位不欲出虎符發兵郡國則知甲
兵在外唯有南北軍期門羽林扈從天子

北軍漢七校 八校 五校 北軍五營

百官表中壘校尉掌北軍壘門內外掌西域中壘掌北軍則知八

校皆北軍也後漢省中壘但置北軍中候掌監屯
五營中尉有中壘令丞則知北軍之統于中尉

騎校尉掌騎士後漢初改為驍騎建武五年復舊劉
般永平十一年兼屯騎每行幸郡國常

將長水胡騎 步兵校尉掌上林苑門屯兵成帝時

班雄運屯騎 永平中閻章晉阮越騎校尉掌越騎注如淳曰越人
籍隋屬鷹揚府

內附以為騎也晉灼曰取材力超越也

劉昭曰越人非善騎所出晉灼為允

光武紀建武九年改為青中校尉十五年從舊霍山奉車都尉領胡越兵地節三年十月罷車騎右將

軍屯兵諸領胡越騎羽林及兩宮衛將屯兵者易以親信許史子弟代之越騎尤重率以所親信領之也金

涉成帝時為侍中騎都尉領三輔胡越騎注師古曰胡越騎在三輔者若長水長楊宣曲之屬馮奉世永光

二年置書勞曰今發三輔河東弘農越騎迹射伏飛 長水校尉掌長水宣曲胡

騎注師古曰長水胡名宣曲觀名胡騎之屯于宣曲者

釋名長水載用船之事韋昭辨曰主典胡騎不主水戰也其底近長水故以名官長水蓋闕中小水名劉屈

羗傳持節發長水及宜曲胡騎師古曰長水校名宣曲宮胡騎所屯今鄠縣東長水鄉即舊營校之地趙充

國傳長水校尉富昌又有胡騎校尉掌池陽胡騎不常置注師古

曰胡騎之屯池陽者後漢井長水射聲校尉掌待詔射聲

士注服虔曰工射者冥冥中聞聲則中之因以名應劭

曰頒詔所命而射王尊傳傳剛為校尉將迹射士千人逐捕南山羣盜師古曰迹射言能尋

迹而射建武四年射聲校尉王賓擊李憲丁鴻以侍中兼虎賁掌輕車後漢井射聲凡

八校皆武帝初置秩二千石有丞司馬秩皆二千石北

壘門內尉一人中壘射聲虎賁心騎當在城中餘在城外刑法志武帝元鼎六年平

百粵內增七校外有樓船皆歲時講肄修武備注晉灼

曰百官表中壘屯騎步兵越騎長水胡騎射聲虎賁凡
八校尉胡騎不常置故此言七校 李陵傳漢遣貳師

伐大宛使陵將五校兵隨後 霍光傳發材官輕車壯

軍五校士 趙充國傳伐先零子右曹中郎將卬將期

門仗飛羽林孤兒胡越騎為支兵至今居紀神爵元年三月虜並

出絕轉道有詔將八校尉與驍騎都尉金城太守合疏

捕山間虜以書敕充國曰已詔卬將胡越仗飛射士步

兵二校尉益將軍兵 元紀永光二年七月西羌反八

月以太常任千秋為奮威將軍別將五校並進

續官志北軍中候一人

張蒼任人為中候

本注舊有中壘校尉

領北軍營壘之事中興省但置中候以監五營

漢官曰中候員

吏七人中候自得辟名

有屯騎

員吏百二十八人領士七百人

越騎

員吏百二十七人領士七

百人步兵

員吏七十二人長水

員吏百五十七人烏桓胡騎七百三十六人

射

聲

員吏百二十九人領士七百人校尉皆掌宿衛兵秩比二千石本注

司馬各一人千石

鄭眾為越騎司馬

惟長水又有胡騎司馬一

人胡騎并長水虎賁并射聲

安帝紀注漢官儀曰長水領士千三百六十七人屯

騎越騎步兵射聲
各領士七百人

紀建武九年三月辛亥置青巾左

校尉七年省長水射聲二校尉十五年六月庚午復置

屯騎長水射聲三校尉改青巾為越騎

順帝紀永建元年注謂長水步

兵射聲車騎胡騎
五校與志不同

傳吳漢傳發北軍五校輕車介士

劉般永平十一年兼屯騎時五校官顯職間府寺寬

敞輿服光麗故多以宗室肺腑居之 馬嚴顯宗拜將

軍長史將北軍五校士羽林禁兵三千屯西河美稷衛

護南單于 耿恭建初二年秋遷長水校尉將五校士

三千人討西羌明年監營謁者奏恭云 鄧鴻永平中

將兵長史率五營士屯鴈門 耿秉副竇憲發北軍五

校擊匈奴則永元元年也詔執金吾五校尉勒兵屯衛

南北宮則四年也行車騎將軍鄧鴻將左右羽林北軍

五校士及郡國積射緣邊兵討叛胡則六年也劉尚發

北軍五營征西羌則七年也鄧騭將北軍五校擊涼部

叛羌則永初元年之夏車騎何熙將五校營士擊烏桓

則永初三年

注四營各領士七百人長水領士千三百六十七人

羌入河東使北

軍中候朱寵將五營士屯孟津則五年之春屯騎班雄

將五營兵屯長安三輔則元初二年之秋

十月中郎將任尚將羽林

緹騎五營子弟代雄

調五營弩師郡舉五人令習戰射則永建元

年十月庚寅又永和五年征西馬賢將左右羽林五校

士屯漢陽明年十一月執金吾張喬將以屯三輔延熹

六年十二月太尉楊秉言吏職非人請下城門五營校

尉北軍中候各實覈所部實武入步兵營召會北軍五

校士屯都亭中郎將張奐率五營士何進率五營士屯

都亭 紀和帝永元十一年四月己巳復置右校尉官

東觀記曰置在西河鵠澤縣

靈帝中平五年八月置西園八校尉

上中下典助軍左右凡八

西京賦五軍六師千列百里李善注

漢官儀漢有五營五軍即五營也 東京賦總輕武於

後陳綜曰謂北軍五校兵在後陳列 漢官儀大駕鹵

簿五營校尉在前名曰填衛 五校各有鼓吹

魏書漢十月幸

長安水南門會五營校士為八陣 晉志五校魏晉逮

于江左猶領營兵五校尉去漢之中壘胡騎虎賁也

羌騎校尉

元鳳四年詔范明友以羌騎校尉將羌王侯君長以下擊益州虜

輕騎校

尉

衛青傳郭成

南漢衛尉八屯

城門八屯與此不同

西京賦虎威章溝嚴更之舍徼道外周千廬內附衛尉

八屯警夜巡晝植鍬垂獻用戒不虞

注八校尉諸屯皆衛尉掌之注引

八校尉非也校尉北軍衛尉南軍官門四面皆有公車每門各有二司馬凡八司馬故曰八屯

元紀

初元五年司馬中注師古曰衛尉有八屯衛侯司馬主

衛士徼巡宿衛每面各二司馬故謂宮之外門為司馬

門 西都賦周以鈎陳之位衛以嚴更之署總禮官之

甲科羣百郡之庶孝虎責贄衣闔尹閤寺陞戟百重各

有典司周廬千列徼道綺錯 注宿衛之廬周于宮 史記秦紀衛令曰周廬設卒

甚謹 街宏漢舊儀畫漏盡夜漏起宮城門擊刁斗周廬擊木柝 周禮宮正注次諸吏直宿若今部署諸廬

南漢郎衛 衛士 南北宮衛士 臨饗衛士

戶衛

百官表 見後 續志光祿勳掌宿衛典謁署郎更直執戟

衛士八十一人 五官中郎將主五官郎更直惟議郎不在直中

左右中郎將主左右署虎賁中郎將

本期

主虎賁宿衛

羽林中郎將主羽林宿衛

守門戶充車騎若令環衛出為導從楚環列之尹越左

師之子願補黑衣之缺衛王宮

高紀二年太子守櫟陽諸侯子在闕

中者為衛

劉辟疆為長樂衛尉劉澤同姓疏屬世為衛尉

高后紀二

年齊王遣弟章入宿衛

諸侯子宿衛三代之制也高后紀云謁者持戟衛

門端

列傳董仲舒言選郎吏以富訾未必賢宜使

列侯郡守二千石各擇吏民賢者歲貢二人給宿

衛司馬遷曰奉薄技出入周衛之中霍光宿

衛武帝三十餘年 張安世為右將軍宿衛忠慎

魏相言安世子延壽重厚可為光祿勳領宿衛

馮參為黃門郎給事中宿衛十餘年 蕭望之以親

屬犯法者不得宿衛 龔勝以王國人不得宿衛 彭

宣以有司奏諸侯國人不得宿衛 王商子弟為諸曹

郎吏者皆出補吏莫得留給事宿衛者 後傳光武擢

郭涼子為中郎宿衛左右 竇融在宿衛十餘年 建武

二十三年行衛尉事與弟友並典禁兵 東平王蒼薦

吳良宜備宿衛

古者宿衛有二宮伯掌士庶子宮正掌官府之人民

漢有衛郎

光祿勳

衛兵

尉

亦此制與舊儀曰殿外門舍

屬衛尉殿內門舍屬光祿勳內外相關即宮正宮伯

之職也周統于大宰漢別為兩卿雖大司馬呂三公

都試羽林而丞相不與知血脈於是乎不相關矣

劉向

封事云並交戰之內

注謂宿衛者

郎選以明經孝廉賢良方正及

衣冠子弟充之劉向揚雄皆執戟宿衛而光祿勳府

實在宮中三代遺制也左右前後之臣皆正人端士則動作起居陰化默移可養成君德比及武帝入財者補郎郎選始衰其後又隸之以期門羽林以武士

參錯宿衛于是有遺恨矣

三王世家陛下虧膳賤樂損郎員即天子之侍衛也

減損侍衛亦薄于自奉 惠帝紀謁者執楯執戰武士騶比外郎秦法郎中執兵皆陳殿下又陛楯即然則執戰宿衛益秦制也 虞延傳有陛戰郎 神爵元年出郎以擊先 公孫戎位在充郎選跡鹿頭

建武中杜詩上疏曰使公卿郡守出于軍壘則將帥自厲士卒之復比于宿衛則戎士自百言士卒得

比於郎則人百其勇

永建元年賜百官隨
輦宿衛者布有差

百官表衛尉掌宮門衛屯兵

南軍為宮城兵
而主之以衛尉

屬官有衛

士令丞

胡廣云主宮闕之門內衛士于周垣
下為巨廡區廡若今之伏宿屋矣

長樂建章

甘泉衛尉皆掌其宮

續志衛尉卿掌宮門衛士宮中

徽循事

衛士六
十人

南宮衛士令掌南宮衛士

五百三
十七人

北宮

衛士令掌北宮衛士

四百七
十一人

左右都候主劍戟士徽循

宮及天子有所收考

左都候衛士三百八十三人
右都候衛士四百一十六人

宮掖

門每門司馬一人比千石本注曰南宮南屯司馬

衛士
百二

十人 北宮蒼龍司馬

衛士四十人

玄武司馬

衛士三十八人

北屯司馬

衛士三十八人

北宮朱爵司馬

衛士百二十四人

朔平司馬

衛士百一十七人

太官令

衛士三十八人 蔡質漢儀曰凡中宮漏夜盡鼓鳴則起鐘鳴則息衛士甲乙激相傳甲夜畢傳

乙夜相傳盡五更衛士傳言五更未明三刻後雞鳴衛士踵丞郎趨殿上臺候朱雀門外守傳雞鳴于宮中雞

鳴歌也

光祿勳掌宿衛宮殿門戶典謁署郎更直執戟宿

衛門戶考其德行而進退之

衛士八十一人

高紀二年五月

漢王屯滎陽蕭何發關中老弱未傅者悉詣軍注孟康

曰古者二十而附三年耕有一年儲故二十三年而後

役之如淳曰律年二十三傅之疇官各從其父疇學之

高不滿六尺二寸以下為罷癘漢儀注民年二十三為

正一歲為衛士一歲為材官騎士習射御騎馳戰陳年

五十六衰老乃得免為庶民就田里 武紀建元元年

七月詔曰衛士轉置送迎二萬人其省萬人

衛士守宮闕本無二

萬併轉置送迎者漢初未有養兵之制材官間歲番上為衛士而執戰宿衛出充車騎皆取公卿二千石子弟

為之郎衛多至十人

宣紀元平元年即位十一月長樂宮初置

屯衛 元紀初元三年六月罷建章甘泉宮衛令就農

貢禹言諸離宮及長樂宮衛可減大半以寬繇役元帝下其議省建章甘泉宮衛卒減諸侯王廟衛卒省其半

魏相傳相為河南太守後人有告相賊殺不辜事下

有司河南戍卒都官者二三千人遮大將軍自言願復

留作一年以贖太守臯注師古曰來京師詣官府為戎

卒若今衛士上番分守諸司 韋玄成傳祖宗廟在郡

國百六十七所用衛士四萬五千一百二十九人 後

傳陰興永平元年為衛尉詔典領禁兵 馮魴永平十

五年東巡留魴衛南宮

東觀記魴將緹騎宿玄武門後道上領南宮史士

朱暉

明帝幸長安欲嚴宿衛故以暉為衛士令

又賈逵北宮衛士令

瑛楊仁

趙熹橫劍殿階嚴門衛內外肅然永平元年冬

為衛尉八年行太尉事內典宿衛外幹宰職 丁鴻永

元四年和帝召鴻行太尉兼衛尉屯南北宮

十五年太尉張禹兼

衛尉留守北宮

周禮注

宮正

若今時衛士填街蹕疏漢儀大駕

行幸使衛士填塞街巷召止行人備非常

建武十六年開陽門侯何

湯將衛士鈞洛陽令車

賈山至言減外繇衛卒

文二年罷衛將軍軍詔曰飭兵

厚衛

王尊傳正月行幸曲臺臨饗罷衛士丞相

衡與中二千石大鴻臚賞等會坐殿門下注如
淳曰諸衛士更盡得代去故天子自臨饗之

蓋寬饒傳寬饒初拜衛司馬未出殿門斷其禪
衣令短離地冠大冠帶長劍躬按行士卒廬室視
其飲食居處遇之甚有恩及歲盡交代上臨饗衛
卒衛卒數千人皆叩頭自請願留共更一年以報

寬饒厚德 禮儀志饗遣故衛士儀百官會位定謁

者持節引故衛士入自端門衛司馬執幡鉦護行行定

侍御史持節慰勞以詔恩問所疾苦受其章奏所欲言

畢饗賜作樂觀以角抵樂闕罷遣勸以農桑

周禮府史以下則有

胥有徒鄭康成注曰此謂民給繇役若今衛士矣漢舊儀衛士初至未入君侯到都國外賜勞吏士君侯丞

也相東平王蒼傳建初三年帝饗衛士于南宮因從皇

太后周行掖廷池閣

和熹鄧后紀舊事歲終當饗遣

衛士大儺逐疫太后以陰陽不和軍旅數興詔饗會勿

設戲作樂

注舊事得代歸者上親饗焉

周禮外饗饗士庶子注衛

王宮者若今時饗衛士

功臣表郭蒙以戶衛起薛

許益以說

稅

衛入漢

許后傳掖庭戶衛

列

傳江充移劾門衛

楊惲傳召戶將尊注師古

曰戶將官名主戶衛屬光祿

王嘉為郎坐戶殿

門失闌免注守殿門

前五志
門衛戶者

馮衍

後漢

與陰就

書願備東平山陽王門尉

西京賦門衛供帳官以物

辨

北漢中尉兵 緹騎

表中尉掌徼循京師武帝更名執金吾左右京輔都尉

尉丞兵卒皆屬焉

自孝武增置八校而北軍之兵始衆
悉中尉之權大重迺又于光祿置

羽林期門而後南北二軍之勢始均
北軍為京城兵而主之以中尉

紀高帝十一年

七月發中尉卒三萬人為皇太子衛軍霸上文三年幸

甘泉發中尉材官屬衛將軍軍長安武元鼎六年發中

尉河南河內卒征西羌 蕭望之傳大常發執金吾車

騎 續志執金吾掌宮外戒司非常緹騎二百人

緹赤
黃色

注漢官曰執金吾緹騎二百人五百二十人與服導

斯最壯矣胡廣曰衛尉巡行宮中則金吾徼於外相為

表裏擒姦討猾 補兵志曰三輔之兵中尉主之有大

事發兵屯衛事已輒罷其征伐四夷不輕用也 安紀

永初二年四月丙寅令吏民入錢穀得為關內侯虎賁

羽林郎五大夫官府吏緹騎營士各有差

注營士謂五校營士

馮魴傳為執金吾永平十五年留宿衛南宮

注東觀記曰魴車

駕發後將緹騎宿立武門複道上領南宮吏士

西羌傳任尚為中郎將羽林

緹騎屯三輔

詳見官制

北軍漢城門屯兵 八屯 平樂屯兵

表城門校尉掌京師城門屯兵有司馬十二城門候注八

屯各有司馬 衛尉自有八屯與此不同 衛尉主宿衛 此主城門 蔡義復益門候 蕭望之小苑東門候

武紀征和二年七月初置城門屯兵環濟要畧城門校尉高帝置從

驍騎百二十人武帝始增屯兵 劉屈氂傳以太子在 外始置屯兵長安諸城門 孔光為太師領城門兵

黃圖主侯時謹啓閉 表有丁望劉岑 甘延壽為城門校尉 來歷傳有城門司馬徐榮 張安

世傳為衛將軍兩宮衛尉城門南北軍兵皆屬焉 元

后傳陽朔中王譚譚不受城門職王商王立皆以特進相代領

城門兵置幕府得舉吏如將軍王商得舉史如丞相 史記丞相

自將兵使司直田仁主城門 揚雄有箴 張放傳為

侍中中郎將監平樂屯兵置幕府儀比將軍 續志城

門校尉秩比二千石掌雒陽城門十二所 諸葛豐張奮
曹棗馬防寶

武朱雋趙典臧平羊
涉皆為城門校尉 司馬一人千石每門候一人六百

石 漢儀曰門候見
校尉執板下拜 周禮司門干寶注如今校尉每門

下士二人如今門候 公車
誰長

漢步兵 步士 緣邊步兵

列傳晁錯言兵事兵法曰山林積石經川丘阜草木所

在此步兵之地也車騎之地步兵十不當一

中國之
長技五

趙充國屯田奏罷騎兵留淮陽汝南步兵分屯要害處

步兵九校

一部為
一校

吏士萬人留屯為武備因田致穀今

留步士萬人屯田地勢平易多高山遠望之便部曲相

保為塹壘木樵校騶不絕 李陵將步卒五千人出居

延北步兵五千人涉單于庭 武紀元狩四年春大將

軍將四將軍各五萬騎步兵踵軍數十萬天漢四年正

月發天下七科適

吏有罪一亡命二贅婿三賈人四故
有市籍五父母有市籍六大父母有

市籍七
凡七科

及敢勇士遣貳師將軍李廣利將六萬騎步兵

七萬人出朔方因杆將軍公孫敖萬騎步兵三萬人出

鴈門游擊將軍韓說步兵三萬人出五原强弩都尉路

博德步兵萬餘人與貳師會 百官表有步兵校尉元

始五年執金吾王駿為步兵將軍 順紀永建元年十

月庚寅告幽州刺史令緣邊郡增置步兵列屯塞下教

習戰射 度尚傳為中郎將將幽冀黎陽烏桓步騎二

萬六千人救零陵 何進傳中平五年講武平樂觀列

步兵騎士數萬人結營為陳 吳桓將軍說王曰吳多

步兵步兵利險漢多車騎車騎利平地 魏張遼李典

合肥之役以步卒八百破賊十萬 左傳有徒兵荀吳

崇卒魯頌公徒

貝冑朱紱
悉徒增增

漢郎中三將

表郎中令屬官有郎掌守門戶出充車騎有議郎中郎

侍郎郎中皆無員中郎有五官左右二將秩皆比二千

石郎中有車戶騎三將

如淳曰主車曰車郎主戶衛曰
戶郎漢儀注郎中令主郎中左

右車騎主左右車郎左右戶將主左右戶
郎續志中興省車戶騎三將及羽林令

車郎

藝文志張豐

戶衛

功臣表

下同

郭蒙以戶衛

起薛

騎郎

魏其侯周止定三秦

公孫敖

張釋

之郎中騎其石楊喜斬彊以郎中騎千人

中郎騎

王翥

丁禮

以中涓騎
史記

毛澤

以中
涓騎

郎騎

毛釋之

單究

呂馬童

常侍騎

楊惲

戶將功臣表蟲達以西城戶將三十七人從起碣至

霸上為執金吾合傳胡害以越戶將從破秦蓋寬饒

傳舉方正對策高第遷諫大夫行郎中戶將事師古曰
戶將主戶衛也 儒林傳蔡千秋為郎中戶將尹更始
為長樂戶將 楊惲傳召戶將軍

騎將 功臣表傅寬召歐嚴不職丁義丁禮陳倉為騎
將呂馬童以郎騎將王吸為騎郎將楊武以郎中騎將
樊噲為郎中騎將張瞻師以趙騎將傅寬從入漢中為
右騎將張越人為高祖騎將李廣為騎郎將 史記魏

其侯周定為郎中騎將

又呂
馬童

中郎將 列傳季布孝惠時為中郎將 袁盎衛綰司
馬相如張騫 楊惲為中郎將罷山郎移長度大司農
以給財用其疾病休謁洗沐皆以法令從事郎官故事
令郎出錢市財用給文書乃得出名曰山郎移病盡一
日輒償一沐

郎將 功臣表杜得臣 史記表毛澤袁棗侯赤 車
騎將軍 功臣表張越蔡寅 史記云斬歛灌嬰 傳
灌嬰西收軍于滎陽楚騎來衆漢王迺擇軍中可為騎

將者皆推故秦騎士重泉人李必駱甲習騎兵今為校尉可為騎將漢王欲拜之必甲曰願得大王左右善騎者傅之乃拜嬰為中大夫令必甲為左右校尉將郎中騎兵擊楚騎于滎陽東大破之三年受詔將郎中騎兵東屬韓信擊破齊軍於歷下以御史大夫將軍騎別追項籍以車騎將軍從擊燕王荼又受詔并將燕趙齊梁楚車騎擊破胡騎於涖石 靳歙為車騎將軍并將梁趙齊燕楚車騎別擊陳豨 文帝紀十四年冬匈奴寇

邊遣三將軍軍隴西北地上郡中尉周舍為衛將軍郎
中令張武為車騎將軍軍渭北車千乘騎卒十萬人上
親勞軍勒兵申教令

漢騎都尉 車騎都尉 驍騎都尉 駢隣

說衛 職志 執盾 執矛 長鉦 城將

廐將 重將 弩將 車司馬 門尉 武騎

塞路

功臣表斬歙張越楊武季必為騎都尉齊受驍騎都尉

唐厲為東部都尉陳漚陳平

使參乘典護軍為護軍中尉盡護諸將為亞將屬韓

信王

董深孔藋陳賀郭蒙合傅胡害搖母餘蟲達戎賜郭

亭劉到戴野丁禮陳夫乞爰類陳邀室中同留盼秦同

魏邀戚鯁翟盱王虞人王兢朱漚革朱呂它宋昌以都

尉孔藋陳賀左司馬陳胥陶舍右司馬齊受以家車吏

許盎以駢隣從起昌邑以說衛入漢

師古曰二馬曰駢駢隣謂並兩騎為

將軍翼也說讀曰稅衛謂軍行初舍止之時主為衛也

周昌為職志擊秦

如淳曰官名主

幟陽城延以軍匠韓信為票客孔藋閻澤亦繒賀棘丘

侯襄張說為執盾史說張說以執鉞朱進為執矛東方朔官不

過執戟 惠帝 紀執楯執戟周竈為長鉦都尉師古曰長刃兵也為

長鉞 說文云 鉞者劍刀裝也張良以庶將陳豨以特將將卒五百人

為游擊將軍郭蒙為城將師古曰將築城之兵宣虎以重將主將領輜

重一曰持重之將 史記云亞將室中同秦同為弩將而跽為門尉陳

涓以二隊將戎賜以三隊將唐厲以左司馬亞將爰類

以慎將以謹慎 為將許惲用趙右林將將士林猶言羽林將祕彭祖中

鹿令丁復為樓煩將項羽傳漢有善騎射曰樓煩高色為上隊將蟲

達二隊將王虞人騎司馬呂馬童司馬

一云騎司馬

王競車

司馬郭亭為塞路

師古曰主遮塞要路以備敵寇

文紀云塞疏戴野衛毋擇

申屠嘉為隊率 漢初軍制主闕廡而名廡將主輜重

而名重將將如林之師而名林將將築城之兵而名城

將弩則有弩將射則有樓煩將騎則有郎騎將謹畏則

謂之慎將勇特則謂之特將並兩騎為軍翼而謂之駢

隣衛軍行之止舍而謂之說衛掌軍門則有門尉掌旗

幟則有職志掌蔽遮則有塞路執矛執盾各有其職車

司馬騎司馬各効其用長隊將二隊將三隊將各因其

才而游擊將軍以游擊為事長鈺都尉以長鈺為職皆

見于楚漢未決之時 史記功臣表蔡寅以車騎都尉

破龍且 官表宣帝令騎都尉監羽林 地理志天水

郡獮道騎都尉治密艾亭 又見官制 列傳馮唐拜為車騎

都尉主中尉及郡國車士 韓昌景夔亦為之 李廣為驍騎都

尉 李陵武帝拜騎都尉 李尋平當馬武劉昆景恭 趙充國傳有

詔將八校尉與驍騎都尉合 金涉為騎都尉領三輔

胡越騎 甘延壽使西域都護騎都尉 司馬相如事
景帝為武騎常侍 梁丘賀以能心計為武騎 衛青
傳為特將者十五人 武紀太初三年夏四月強弩都
尉路博德築居延 表郡尉秦官掌佐守典武職
甲卒秩比二千石有丞秩皆六百石景帝中二年
更名都尉闕都尉秦官農都尉屬國都尉皆武
帝所置 郡國凡百有三置都尉者九十山西
自三輔而外郡纔十有三而置都尉乃三十其

餘郡國乃八十有七置都尉者止六十其不置者蓋四

十有三也續志典兵禁備盜賊景帝更名都尉武帝

又置三輔都尉各一人譏出入邊郡置農都尉又置屬

國都尉中興省諸郡都尉建武六年初罷郡國都尉官并職太守無

都試之役唯邊郡往往置都尉及屬國都尉稍有分縣

治民比郡安帝以羌犯法三輔有陵園之守乃復置右

扶風都尉京兆虎牙都尉漢官儀衛士材官騎士習射御騎馳戰陳八月太守都尉

今長相丞尉會都試課殿最紀和帝永元三年十二月復置騎都

尉官十六年十二月復置遼東西部都尉官 安帝永

初四年二月初置長安雍二營都尉官

扶風都尉居雍
縣虎牙都尉居

長安 順帝陽嘉二年四月復置隴西南部都尉官 耿

弇傳弇常見郡尉試騎士建旗鼓肄馳射由是好將帥

之事

詳見
牧守

武猛都尉

何進
傳

軍門都尉

周亞
夫傳

齊欲

發兵非有虎符而遽止膠西因發兵無虎符而自殺都

試不詣試所者必免都試而僭上者必誅故外無擅

兵之憂 蜀志諸葛亮上言有實叟青羌散騎武

騎

漢衛將軍

功臣表程黑以趙衛將軍王恬啓以衛將軍擊陳豨

文紀帝入未央宮夜拜宋昌衛將軍領南北軍二年十

一月詔罷衛將軍軍

此軍又在南北軍之外

三年五月發中衛材

官屬衛將軍軍長安十四年冬中尉周舍為衛將軍軍

渭北張安世傳宣帝時拜安世為大司馬車騎將軍

數月罷車騎將軍屯兵更為衛將軍兩宮衛尉城門北

軍兵屬焉

蕭由為衛將軍掾

紀地節三年十月詔罷車騎營

軍右將軍屯兵

漢戊己校尉

表元帝初元元年置有丞司馬各一人候五人秩比六百石注師古曰校尉鎮安西域無常治處亦猶戊己四季寄王故以名官一說戊己居中校尉處三十六國之

中故曰戊己

漢官儀曰戊土中央填菑四方又開渠播種以為厭勝故稱戊己王氏曰校尉為

都菑之屬官專主屯田蓋戊己土也屯田以耕土為事故取戊己為名既專主屯田于車師前王庭則有常居

矣非寄治也况車師手庭亦非西域居中
之地諸說皆非西域傳屯田車師前王庭

元紀建昭

三年秋陳湯甘延壽矯發戊己校尉屯田吏士及西域

胡兵攻鄯支單于

延壽部勒行陳益置陽威白虎合騎之校引兵分行別為六校

段

會宗傳陽朔中為都護發戊己校尉兵隨衛司馬受康

居太子降以擅發贖論元延中復遣段會宗發戊己校

尉諸國兵誅烏孫太子番丘西域傳徙己校屯姑墨

注師古曰有戊己兩校兵此直徙己校也

徐氏曰兵有兩校校尉或

有二員而七戊己分置之證

耿恭傳永平十七年

紀永平十八年冬

始置

西域都護戊巳校尉以恭為戊巳校尉屯後王部金蒲
城謁者關寵為戊巳校尉屯前王柳中城屯各置數百
人 章帝紀建初元年正月罷戊巳校尉 和帝紀永

元三年十二月復置西域都護戊巳校尉官

和帝初馮
約數言違

事奏置戊巳校尉城
郭諸國率復舊職

後西域傳自敦煌郡西出玉門

陽關涉鄯善北通伊吾千餘里自伊吾北通車師前部
高昌壁千二百里自高昌壁北通後部金滿城五百里
此其西域之門戶也故戊巳校尉更互屯焉 戊巳校

尉史

陳良終帶

永興元年有戊部候嚴皓戊校尉閻

祥建寧三年戊巳司馬曹寬 廣成頌甲乙相伍

戊巳為堅注戊巳為中堅 魏志黃初二年張恭拜西

域戊巳校尉三年二月鄴善龜茲于闐內附置戊巳校

尉 晉咸寧元年有校尉馬循

漢護羌校尉

續志護羌校尉一人比二千石主西羌注應劭漢官曰

擁節長史一人司馬二人皆六百石 光武紀建武九

年復置護羌校尉官注漢官儀曰武帝置秩比二千石
持節護西羌王莽亂遂罷時班彪議宜復其官以理寃
結帝從之以牛邯為護羌校尉都于隴西令居縣西
羌傳武帝征伐四夷開地廣境北卻匈奴西逐諸羌乃
渡河湟築令居塞屬金城初開河西列置四郡通道玉門
隔絕羌胡于是障塞亭燧出長城外數千里時先零羌
與封養牢姐種解仇結盟與匈奴遁合兵十餘萬共攻
令居安故遂圍枹罕漢遣將軍李息郎中令徐自為將

兵十萬人擊平之始置護羌校尉持節統領焉建武九年司徒掾班彪上言今涼州部皆有降羌與漢人雜處舊置益州部置蠻夷騎都尉幽州部置領烏桓校尉涼州部置護羌校尉皆持節護理其怨結歲時循行問所疾苦又數遣使驛通動靜使塞外羌夷為吏耳目州郡因此可得做備今宜復如舊以明威防光武從之即以牛邯為護羌校尉持節如舊及邯卒職省永平元年以謁者竇林領護羌校尉居狄道後郭襄免復省建初

元年吳棠領之永元元年鄧訓十四年侯霸元初元年

龐參招以恩信二年降七千餘人參始還令居通河西

道馬賢代之馬續皇甫規

西羌傳有
護羌從事

列傳溫序建武

六年拜謁者遷護羌校尉 鄧訓章和二年公卿舉訓

為校尉湟中諸胡皆言待我以恩信訓撫養其少年勇

者數百人為義從 龐參元初元年遷護羌校尉畔羌

懷其恩信明年燒當降始復得還都令居通河西路

第五訪拜護羌校尉邊境服其威信

順帝時

段熲延熹

二年遷護羌校尉擊破八種羌六年冬復以為校尉上言昔先零作寇趙充國徙令居內煎當亂邊馬援遷之三輔始服終叛至今為鯁前漢趙充國傳詔舉可護

羌校尉者四府舉辛湯充國奏不如湯兄臨衆詔更用

之

後有
年通

班勇傳元初六年上議曰舊敦煌郡有營兵

三百人今宜復置護西域副校尉居于敦煌郡如永元故事又宜遣西域長史將五百人屯樓蘭于是復敦煌郡營兵三百人置西域副校尉居敦煌郡延光二年夏

勇為西域長史將兵五百人出屯柳中

西域副校尉李恂使匈奴副

校尉蕭育蕭由

續志護烏桓校尉比二千石主烏桓胡

李膺為馬

桓校尉

注應劭漢官曰擁節長史一人司馬二人并領鮮

卑客賜質子歲時胡市馬晉書漢置東夷校尉以撫鮮

卑烏桓傳武帝置秩二千石擁節監領之 和紀永

元十四年五月丁未初置象林將兵長史官闕駟十三

州志居日南郡又有將兵司馬去雒陽九千六百三十

里 晉志武帝置南蠻校尉于襄陽西戎校尉于長安

南夷校尉于寧州元康中護羌校尉為涼州刺史西戎

南蠻為雍荊州刺史江左省南蠻校尉尋置于江陵改

南夷校尉曰鎮蠻校尉 安帝于襄陵置寧蠻校尉

魏鄧

父領護東
先校尉

漢黎陽營 漁陽營 度遼營

雍營

虎牙

營 緣邊兵

列傳臧宮建武十九年遣宮將北軍及黎陽營數千人

圍賊 馬武顯宗初西羌寇隴右拜捕虜將軍與監軍

使者竇固右輔都尉陳訢將黎陽營三輔募士涼州諸

郡羌胡兵及弛刑合四萬擊之 鄧訓建初中

三年上

谷太守任興欲誅赤沙烏桓怨恨謀反詔訓將黎陽營

兵屯狐奴以防其變

漢官儀曰中興以幽冀并州兵克定天下故于黎陽立營先武置以

謁者監之領兵騎千人復除任重謁者任輕各放情態

訓撫接邊民為幽部所歸

六年遷護烏桓校尉黎陽故人多攜將老幼樂隨訓徙

邊

狐奴縣屬漁陽

鮮卑聞其威恩皆不敢南近塞下訓發湟中

秦胡羌兵四千人出塞擊迷唐

章和二年

竇憲發黎陽騎

士以破匈奴 西羌傳永元九年秋迷唐寇隴西遣劉
尚將北軍五營黎陽雍營三輔積射討之 鮮卑傳元
初五年秋代郡鮮卑入寇發緣邊甲卒黎陽營兵屯上
谷以備之冬鮮卑入上谷復發緣邊諸郡黎陽營兵積
射士步騎二萬人屯列衝要六年秋鮮卑入馬城塞度
遼將軍鄧遵發積射士三千人出塞追擊 順帝紀永
建元年十月鮮卑犯邊庚寅遣黎陽營兵出屯中山北
界告幽州刺史其令緣邊郡增置步兵列屯塞下調五

營弩師郡舉五人令教習戰射 度尚傳延熹八年將
幽冀黎陽烏桓步騎救零陵

安帝紀建光元年十一月甲子初置漁陽營兵

伏侯古
今注曰

置營兵
十人

明帝紀永平八年三月初置度遼將軍屯五原曼栢冬
十月丙子詔三公募郡國中都官死臯繫囚減罪一等

諸度遼將軍營屯朔方五原之邊縣

注昭帝以范明友為
度遼將軍至此復置

馮以中郎將吳
棠行度遼將軍

百官志明帝初置度遼將軍以衛南

單于衆新降有二心者後數不安遂為常守注應劭漢官儀曰明帝十八年行度遼將軍事安帝元初元年置真銀印青綬秩二千石長史司馬六百石東觀書云司馬二人 耿國傳匈奴與韃日逐王比自立為呼韓邪單于款塞稱藩願扞北虜議者以為不可許國獨曰宜如孝宣故事受之帝從其議遂立為南單于由是北虜遠遁又上言宜置度遼將軍左右校尉屯五原永平元年卒官顯宗追思國言遂置度遼將軍左右校尉 南

匈奴傳永平八年遣越騎司馬鄭衆北使而南部欲叛
衆伺得之上言宜更置大將以防二虜交通由是始置
度遼營以中郎將吳棠行度遼將軍事副校尉來苗左
校尉闔章右校尉張國將黎陽虎牙營士屯五原曼栢
十六年大發緣邊兵北征吳棠出高闕坐不至涿邪山
免以騎都尉來苗行度遼將軍建初元年以征西大將
軍耿秉行度遼將軍元初元年鄧遵始為真將軍 耿
秉傳建初元年拜度遼將軍視事七年匈奴懷其恩信

南匈奴傳永元元年耿秉為征西將軍與竇憲率騎八千與度遼兵及南單于衆三萬騎出朔方擊北虜破之六年降胡反畔遣行車騎將軍鄧鴻越騎校尉馮柱行度遼將軍朱徽將左右羽林北軍五校士及郡國積射緣邊兵討之七年正月軍還馮柱將虎牙營留屯五原罷羌胡兵 鮮卑傳元初六年秋鮮卑入馬城塞度遼將軍鄧遵發積射士三千人追擊大破之又發積射士三千人馬三千匹詣度遼營屯守 皇甫規傳拜度

遼將軍至營數月薦張奐自代從之規為使匈奴中郎
將 李膺傳為度遼將軍聲震遠城 橋玄傳四府舉
玄為度遼將軍假黃鉞 烏桓傳陽嘉四年冬烏桓圍
蘭池城發積射士二千人度遼營千人屯上郡討之
張奐傳延熹九年秋拜奐護匈奴中郎將以九卿秩督
幽并涼三州及度遼烏桓二營

伏隆傳建武二年檄張步曰今虎牙大將軍屯營十萬
已拔睢陽 蓋延傳光武以為虎牙將軍 安帝紀永

初四年二月乙丑初置長安雍二營都尉官

注扶風都尉居

雍縣虎牙都尉居長安如西京三輔都尉故事

竇憲傳拜車騎將軍耿秉

為副發北軍三校黎陽雍營緣邊十二郡騎士及羌

胡兵出塞

漢官儀曰扶風都尉部在雍縣以涼州近羌數犯三輔將兵衛護園陵故俗稱雍營

光武省都尉之官而營兵未嘗省

西羌傳永初四年春置京兆虎

牙都尉于長安扶風都尉于雍如西京三輔都尉故

事

志安帝以羌犯法三輔有陵園復置京兆虎牙都尉京兆虎牙都尉在長安故稱虎牙營

南匈奴傳光武十三年左部轉居塞內增緣邊兵郡數

千人大築亭候順帝永建元年單于求復朔方以西障
塞順帝從之遣黎陽營兵出屯中山北界增置緣邊諸
郡兵別屯塞下教習戰射 祭彤傳益增緣邊兵遣諸
將分屯障塞建武十七年拜遼東守厲兵馬廣斥候永
平元年偏何破赤山威暢北方胡夷皆內附野無風塵
乃悉罷緣邊屯兵 馬成傳建武十四年屯常山中山
備北邊併領朱祐營 鄧晨傳為常山太守光武追銅
馬于冀州晨發積射士千人

積與
迹同

西域傳延光二年

張璠陳三策今以酒泉屬國吏士二千餘人集昆侖塞先擊呼衍王此上計也尚書陳忠上疏曰孝武開河西四郡云云方今邊境守禦之具不精內郡武衛之備不修敦煌宜置校尉按舊增四郡屯兵以西撫諸國乃以班勇為西域長史將弛刑士五百人西屯柳中 西羌傳

安帝永初五年詔魏郡趙國常山中山繕作塢候六百

一十六所

永初二年冬召龐參拜謁者使西督三輔諸軍屯三年冬發緣邊十郡兵二萬餘人

元

初元年遣兵屯河內通谷衝要三十三所皆作塢壁二

年虞詡說任尚罷諸郡兵各令出錢數千二十人共市

一馬

元初二年武都太守虞詡占相地勢築營壁一百八十所

明年秋築馮翊北界

候塢五百所 順帝陽嘉元年二月海賊攻會稽詔緣

海縣各屯兵戍永和四年馬賢將湟中義從兵及羌胡

萬餘騎擊燒當五年九月發京師近郡及諸道兵討羌

又于扶風漢陽築隴道塢三百所置屯兵六年遣侍御

史督錄征西營兵存恤之詔趙冲督河西四郡兵湟中

月氏胡七種勝兵九千餘人分在湟中令居號義從

鄯

傳義從
八種

高紀吳芮從百粵之兵以佐諸侯亡諸身帥閩中兵以
佐滅秦十年上曰吾以羽檄召天下兵未有至者今計

唯獨邯鄲中兵耳

楚懷王以沛公為
碭郡長將碭郡兵

陳豨以趙相國

將監趙代邊兵 韓王信傳上以為信壯武北近鞏雒
南迫宛葉東有淮陽皆天下勁兵處也 武紀建元三

年七月遣嚴助持節發會稽兵浮海救東甌元狩三年

秋滅隴西北地上郡戍卒半 平帝紀元始二年九月

戊申晦使謁者大司馬掾四十四人持節行邊兵遣執

金吾候陳茂假以鉦鼓募勇敢吏士 史記索隱孔文

祥云邊郡有屯兵後因置將屯將軍

傅寬為代相國將屯將屯將軍王

恢

北胡有變則置度遼官南蠻或叛則置象林兵堯犯三

輔則置長安雍二尉鮮卑入寇則置漁陽營永建元年

緣邊增步兵陽嘉元年緣海各屯兵而扶風漢陽三百

塢魏郡恒山六百一十六塢

漢六軍

紀建武三年帝自征赤眉親勒六軍大陳戎馬大司馬
吳漢精卒當前中軍次之驃騎武衛分陳左右赤眉震
竦乞降 實憲傳永元元年七月理兵朔方鷹揚
之校螭虎之士爰該六師 馮緄傳延熹五年拜
車騎將軍將兵十餘萬討蠻寇詔策曰將軍素有
威猛是以擢授六師 趙充國頌整我六師是討
是震

漢禁兵

通典漢氏重兵悉在京師四邊但設亭障又移天下豪族輳居三輔陵邑以為強幹弱枝之勢或有四夷侵軼則從中命將發五營騎士六郡良家貳師樓船伏波下瀨或因事立稱畢事則省雖衛霍之勲高績重身奉朝請兵皆散歸斯得其宜也 傳陰識守執金吾帝每巡郡國識常留鎮守京師委以禁兵識弟興永平元年詔曰衛尉興典領禁兵從平天下 耿秉為執金吾帝每

巡郡國常領禁兵宿衛左右

漢兵簿

尺籍伍符

見符節

周禮小宰聽政役以比居聽師田以簡稽注比居謂伍

籍也簡稽士卒兵器簿書

國語曰擁鐔拱稽

大司馬茭舍羣吏

撰車徒讀書契注以簿書校錄軍實之凡要 李廣傳

程不識正部曲行伍營陳吏治軍簿至明軍不得自便

注文簿

大將軍長史急責廣之莫府上簿

趙充國傳上

田數及器用簿

吳漢傳至幕府上兵簿諸將人人多

請之注軍士之名帳 溝洫志河平元年率治河者為
著外繇六月注師古曰著於簿籍

魏虎賁

志黃初二年張遼朝洛陽宮以遼從破吳應募步卒皆
為虎賁文帝以許褚為武衛將軍都督中軍宿衛禁兵
許定都督徵道虎賁 張郃傳明帝遣南北軍士三萬
及分遣武衛虎賁使衛郤

魏五兵

通典魏置五兵尚書謂中兵外兵騎兵別兵都兵也晉
太康中乃有五兵尚書而又分中兵外兵各為左右宋
五兵唯領中兵外兵二曹後魏為七兵尚書北齊為五
兵統左中兵右中兵左外兵右外兵都兵五曹後周置
大司馬其屬有兵部中大夫小兵部下大夫隋乃有兵
部尚書統兵部職方駕庫部四曹蓋因後周兵部之名
兼前代五兵之職

晉六軍 魏武衛營

職官志護軍將軍案本秦護軍都尉官也漢以陳平為

護軍中尉魏武為相以韓浩為護軍史渙為領軍非漢

官也建安十二年改護軍為中護軍

將

濟領軍為中領軍

以曹休為之主五校中壘武衛等營魏畧曰中領軍漢之北軍中候也文選曰侯府王肅為之魏初

置護軍將軍主武官選隸領軍元帝永昌元年省護軍

并領軍明帝太寧二年復置領護各領營兵江左以來

領軍不復別領營總統二衛驍騎材官諸營護軍猶別

有營也

前後左右馳衛等營即領軍之任也

左右衛將軍案文帝初置中

衛及衛武帝受命分為左右衛以羊琇為左趙序為右

驍騎將軍游擊將軍並漢雜號將軍也魏置為中軍及

晉以領護左右衛驍騎游擊為六軍 武紀泰始元年

即咸熙二年十一月初置四護軍以統城外諸軍十二月戊

辰置中軍將軍以統宿衛七軍 中護軍 羊琇 淮南王允

中領軍 羊琇 遷中領軍 統宿衛八直殿中 泰始三年 義陽王望 太尉 中領軍 置軍司一人 騎五人 增

置官騎十人 望 統中 輔國大將軍 王 濟 左將軍 咸寧 初 秦

王東拜左將軍 領右軍 將軍武帝辛宣武場以 右衛 三十六軍兵簿令東料校 燕王恭 領左軍將軍

毛安之東

左衛

劉超王濟陳光為左衛遠近聞之名為殿中之軍

前將軍

安公錄

明帝加温嶠中壘將軍進號前將軍隴西王泰并游擊將軍太康初八為前將軍領鄠城門校尉

後

軍將軍

王

材官將軍

張

衛將軍

羊祜給本營兵

驍騎將

軍

王濟鍾雅

游擊

譙王承事賈模車騎司馬

以游擊督城門諸軍將中騎三百人

殿中將軍

王

左積弩將軍

李

積射將軍

咸寧中樊震為

西城牙門

票騎

王沉統城外諸軍事

荀顛以太尉都督城外牙門

諸軍置司馬親兵百人

馬隆為平虜護軍給牙門一

軍屯西平

太康初

王祐為北軍中候領禁兵

太康十一年

六典注魏武為丞相有武衛營

晉四軍 二衛 三部 五督

志左右前後軍將軍案魏明帝時有左軍則左軍魏官也至晉不改武帝初又置前軍右軍泰始八年又置後軍是為四軍後省左右前後軍為鎮衛軍其左右營校尉皆中領軍統之二衛始制前驅由基強弩為三部司馬各置督史左衛熊渠武賁右衛伏飛武賁二衛各五部督其命中武賁驍驃游擊各領之又置武賁羽林上

騎異力四部并命中為五督其鎮衛四軍如五校各置
千人武帝甚重兵官故軍校多選朝廷清望之士居之
文王初啟晉臺始置二衛有前驅養由之弩及設三部
有熊渠攸飛之衆武帝龍飛乘茲奮翼武紀泰始元
年十二月戊辰置中軍將軍

中軍將軍羊祜
皆為左僕射

二年八月

丙辰省右將軍官三年正月丁未罷武衛將軍官八月
罷都護將軍四年二月庚子罷中軍將軍置北軍中候
三月己亥罷振威揚威護軍官置左右積弩將軍五年

六月罷鎮軍將軍復置左右將軍官八年四月置後將軍以備四軍六年十二月戊辰復置鎮軍官七年六月詔公卿以下舉將帥各一人十二月罷中領軍并北軍中候九年七月置五官左右中郎將 唐官志晉武帝始置左右中三衛將軍 六典注泰始元年省領軍北軍中候中領軍將軍羊祜統二衛前後左右驍騎等七軍營兵 志四征興於漢代四安起于魏初四鎮通于柔遠四平立于喪亂其

度遼凌江輕車強弩式揚遐外用表攻伐當塗尅

平諸夏初有軍師祭酒參掌戎律

青龍二年衛尉
辛毗杖節為軍

師

晉五校

志屯騎步兵越騎長水射聲等校尉是為五校 屯騎

太興初

承李儉

步兵

咸寧初燕王機
阮籍王濬

越騎

元康初王
咸寧

三年淮

南王允

長水

下邳
王先

射聲

東安
公繇

翊軍校尉

唐
彬

王

濬傳拜輔國大將軍領步兵校尉舊校唯五置此營自

濬始詔依征鎮增兵五百人為輔國營給親騎百人官
騎十人置司馬 溫嶠傳上疏曰先朝使五校出田今
四軍五校有兵者及護軍所統外軍可分遣二軍出屯
要處春秋時入作卿輔出將三軍宜省軍校無兵者
唐武德元年廢越騎步兵二校尉

晉北府兵 君子營 元戎禁營

傳太元二年

十月

謝玄為兗州刺史監江北諸軍募驍勇

之士得彭城劉牢之等數人以牢之為參軍領精銳為

前鋒戰無不捷號北府兵敵人畏之

東晉謂京口兵可用故北府兵最精

唐亦用宜潤等子平淮甸

成帝初劉超遷射聲校尉時軍校無兵

義興人多義隨超因統其衆以宿衛號君子營

起自義興太守

拜中書侍郎超有君子六千人為中軍

潘岳賦靈臺四有元戎禁營玄

幘綠徽谿子巨黍異蒼同機礮石雷駭激矢蝨飛以先

啓行曜我皇威

注元戎兵車也禁營謂五營也陸機洛陽北五營校尉前後左右將軍府在城

中不言所處

馬隆為武威太守募限腰引弩三十六鈞

弓四鈞立標簡試自旦至中得三千五百人因請自

至武庫選仗

太康元年悉去州郡兵大郡置武吏百
人小郡五十人山濤言不宜去州郡武

備

魏六軍 府兵

後魏書西魏大統八年宇文泰倣周典置六軍合為百

府

每府一將統之分屬二十四軍開府各領一軍大
將軍凡十二人每一大將軍統二府一柱國統二大

將軍凡柱國六員復
加持節都督以統之

十六年籍民之有材力者為府兵

初孝文太和十九年八月乙巳選武勇之士十五萬人

為羽林虎賁充宿衛


隋以府隸于左右十二衛及東

宮率府置衛大將軍一人將軍二人即開府之位也
梁領軍護軍與左右衛驍騎游騎為六軍將軍

東南兵

漢高祖用閩越兵孝景用東甌兵武帝用會稽兵光武
用江夏兵周瑜以江上之師破操于赤壁謝玄以淮堧
之衆蕩氏于肥水虞潭以東方兵共平僭叛劉牢之以
北府兵屢挫強敵臨霸上入長安又皆吾水軍步騎未
嘗募之西北也 吳中子弟荆楚劍客宣潤弩手班

班見史籍皆天下勁兵處也漢置都尉九十而九江
臨淮會稽丹陽豫章財各一尉唐府兵六百三十餘
所江淮兩道不過八九



王海卷一百三十七